

清

史

稿

清史稿

列傳四十一

賚塔

莽依圖

烏爾善
舒尼

畢力克圖

噶爾善
噶爾

拉哈達

烏哈泰
烏哈泰

席卜臣

烏爾善
烏爾善

穆占

佛尼埒

吳丹
鄂爾

阿密達

覺羅克濟
吉哈里

根特

烏爾善

賚塔那穆都魯氏滿洲正白旗人康熙四年十四授三等侍衛坐事免崇德時從伐明圍錦州擊松山杏山敵兵屢有斬獲攻新城高陽霸州壽光博興並先登身中五創被賞賚授前鋒侍衛順治元年從討李自成敗之一片石追至安肅慶都授巴牙喇甲喇章京從豫親王多鐸轉戰河南陝西頗有功二年移師江南克揚州下江南追敗明福王於蕪湖予施沙喇哈番三年從端重親王博洛下福建唐王奔汀州賚塔率師攻破其城進拜他喇布勒哈番明桂王據湖南六年從鄭親王濟爾哈朗進衡州戰敗明將陶養用胡一清克祁

陽復戰敗明將周進唐王進才及一清又戰敗明將譚宏取道州又戰敗一清及明將焦璉取全州累晉二等阿達哈哈番兼世管佐領十一年明將李定國犯廣東從珠瑪喇解新會圍進三等阿思哈尼哈番擢巴牙喇纛章京十六年鄭成功窺江南從安南將軍達素討之比至成功已敗遁遂引兵下福建十七年戰廈門師失利坐免官奪世職康熙二年署前鋒統領擊李來亨等於茅麓山數戰皆克八年擢正白旗蒙古都統十三年耿精忠叛遣其將馬九玉冒養性白顯忠分三道寇浙江授賚塔平南將軍赴援寇犯金華遣諸將瑪哈達雅塔里拉哈等擊走之復義烏諸暨精忠將王國斌屯金衢接壤處爲羣寇聲援賚塔與總督李之芳駐衢州精忠將周列擁衆二萬自常山入賚塔遣瑚圓要之焦園俘斬過半精忠將梁明率衆五萬犯衢州迎擊斬級萬餘十四年督兵擊九玉五戰皆捷又破其將李廷魁焚所屯木城康親王傑書軍至衢州賚塔依例歸將軍印以都統參贊軍務時九玉退據九龍山分萬人扼大溪灘護糧餉傑書令賚塔攻之卽夕遣兵涉河直搗九玉營破之九玉僅以三十騎遁遂

復常山卒瑪哈達等破仙霞關拔浦城又與吉勒塔布敗賊建陽克之進取建
甯薄延平精忠迺迎降其時漳泉興化並爲鄭錦所據錦成功子也精忠導貝
子傅拉塔軍攻錦十六年與甯海將軍拉哈達復興化降仙遊進討叛將劉進
忠於湖州進忠亦降康親王傑書奏仍授資塔平南將軍守湖州十七年錦將
劉國軒入犯泉州與總督姚啟聖會師赴援復長泰戰漳州破敵十八年國軒
復入犯迎擊敗走十九年克海澄錦還臺灣授資塔本旗滿洲都統守潮州如
故尙之信之降也仍懷貳志返廣東復抗命都統王國棟首告詔資塔撫慰之
信已殺國棟反資塔率兵討禽之時吳世璠尙據雲南大將軍貝子章泰自湖
南下貴州上授資塔平南大將軍督滿漢諸軍自廣西入雲南資塔師自田州
泗城道西隆迭戰皆捷石門坎者去安籠三十里地峻陻世璠將何繼祖等擁
衆拒守資塔令諸將希福勒貝瑪奇等率師前進而別與總督金光祖等分兵
自間道距其後二十年元旦度賊無備飭前軍進攻繼祖等倉卒出禦後軍擊
險上前後夾擊遂奪其隘口復安籠所繼祖復與詹養王有功等以二萬人守

黃草壠賚塔督諸軍奮擊自卯至未破壘二十二俘斬有功及其衆千餘並獲其象馬捷聞上以賚塔自廣西深入先諸軍至敗敵溫詔嘉獎師至曲靖遣諸將希福瑪奇碩塔等分道取富益雲龍嵩諸州及易龍所揚林城章泰軍自貴州至兩軍合未至會城三十里世璠遣壯圖等迎戰列象陣章泰軍其左賚塔軍其右自卯至午賊五郤五進殊死戰過金汁河象反踐陳亂師乘之大潰進屯城東歸化寺九月趙良棟師自四川至遂合圍賚塔軍銀錠山運瞰至晝夜番攻世璠將余從龍降調知糧將罄人相食與諸將環而攻之世璠衆內亂欲禽世璠以降世璠自殺其將夏國相奔廣南胡國柱奔雲龍州遣諸將李國樸希福等追襲之禽國柱自縊死雲南大定二十一年凱旋上率羣臣郊勞蘆溝橋西行抱見禮二十二年以隱匿之信藩下入官婦女下所司集質上諭賚塔有大功勿以細事加罪禮部議請奪官治罪詔改降級罰俸二十三年卒謚襄毅二十五年追授一等阿思哈尼哈番子費葉楞襲雍正五年世宗命追封一等公令其孫博爾屯襲並諭賚塔克雲南功績懋著當日因其功過相掩

未予優封欲使立功之臣咸知儆惕收斂不可恃功驕肆今事歷多年後人已知鑒戒用特追封示眷念舊臣九年定公號曰褒績

穆占納喇氏滿洲正黃旗人南楮子也南楮事具楊吉砮傳穆占初任侍衛兼牛衆額員順治十六年署噶布什賢章京從都統卓洛等駐防雲南平元江土司有功予三等阿達哈哈番擢本旗梅勒額員康熙十二年冬吳三桂反命授赫葉安西將軍道陝西入四川進討以穆占署前鋒統領參贊軍務十三年二月師至陝西時四川巡撫羅森提督鄭蛟麟皆附賊總兵譚洪亦叛據陽平關穆占與西安將軍瓦爾喀率兵先驅戰野狐嶺敗之克陽平關總兵吳之茂叛據保寧穆占進與戰屢擊敗之旋以賊阻餉道引還漢中提督王輔臣叛亦羌與之茂洪相應穆占從大將軍貝勒洞鄂還西安十四年詔趣洞鄂討輔臣而以穆占代赫葉爲安西將軍率師並進輔臣將高鼎屯隴州河岸迎戰與達理善繫卻之趨秦州圍合輔臣將陳萬策以城降穆占復助提督張勇攻下鞏昌還會諸軍征平涼十五年上遣圖海代洞鄂爲大將軍輔臣降穆占分剿餘寇

以次復西河清水成禮諸縣輔臣將周養民等以慶陽降九月詔入覲進秩視
都統佩征南將軍印統陝西河南諸軍赴湖廣討三桂諸將塔勒岱鄂克遜從
十六年正月至荊州時大將軍順承郡王勒克德渾守荊州貝勒尙善圍岳州
安親王岳樂圍長沙簡親王喇布守吉安上命穆占助攻長沙軍至屯阿彌嶺
三桂初欲自松滋渡江進攻荊州相持數年不得逞聞長沙有新軍至亟自松
滋還援屯隔江嶽麓山遣其將馬寶等屯城外掘重濠布鐵蒺藜列象陣以守
而自從常德進爲穆占所敗走衡州上命穆占移兵會簡親王取衡州十月克
茶陵復攸安仁酃永甯諸縣十七年春克郴州傍縣並下穆占守郴州以都統
宜理布守永興三桂欲通粵東道與尙之信孫延齡軍合遣其將馬寶胡國柱
等悉銳攻永興穆占遣哈克三碩岱來援時喇布尙駐吉安穆占請旨趣進征
六月宜理布哈克三戰死碩岱入城守喇布遣薩克察來援牒穆占請益兵穆
占謂永興軍事簡親王主之喇布以聞上責穆占謬戾寶國柱攻永興二十餘
日不下聞三桂死乃引還衡州穆占率布舒庫等追擊敗之耒陽十八年三桂

將吳國貴爲他將所賊遁永州穆占追剿克之道州常寧新田永明江華東安皆下師入廣西境克全州灌陽興安恭城韶還定湖南進克新寧三桂將郭壯圖等擁三桂孫世璠據貴州十一月上命貝子章泰爲定遠平寇大將軍規定雲貴穆占參贊軍務十九年二月復沅州十月克鎮遠並定偏橋興隆二衛進克平越下貴陽世璠奔雲南十一月克遵義安順石阡都勻里南諸府二十年正月世璠將夏國相高起隆王會楊應選等擁衆二萬拒戰屯平遠西南山穆占與提督趙賴督諸軍奮擊起隆等敗竄會降遂復平遠分遣諸將莽奕祿等逐賊復大定應還亦降遂入雲南與廣西軍會壁歸化寺壯圖出兵重關列象陣犯我軍寶塔等縱兵夾擊穆占戰尤力象陣亂反踐其軍諸軍乘之壯圖飲兵止存二十七人奔入城九月四川軍至總督蔡毓榮破重關穆占亦奪玉皇閣猛攻東西寺世璠壯圖皆自殺穆占入城撫餘衆籍逆產以聞師還授正黃旗蒙古都統議政大臣二十二年追論征保甯時奏軍事不實征平涼時不臨陣指揮及不救永興罪當絞籍沒上諭曰穆占固有罪但其戰績多至二百六

十處此所議稍過命覆議乃請奪官削世職沒妻子入內務府上命但奪官餘悉寬之尋卒

莽依圖光佳氏滿洲鑲白旗人父武達禪崇德中從伐明攻任邱濟陽並先登賜號巴圖魯予牛象章京世職既入關授太原城守尉卒莽依圖襲職進三等阿達哈哈番順治十五年從征南將軍卓木特下貴州自都勻次盤江破明將李定國移師定雲南康熙二年李自成餘黨李來亨等據湖北茅麓山未下從靖西將軍穆里瑪攻克之凱旋授江寧協領十三年吳三桂陷湖南復從鎮南將軍尼雅翰攻岳州砲擊寇艦敗之七里橋十四年三桂搆廣西總兵馬雄叛廣東十府失其四尚可喜請兵上命尼雅翰率師赴廣東以莽依圖署副都統駐肇慶甫至而可喜子之信已叛應三桂十五年三桂將范齊韓等逼肇慶莽依圖潰圍出且戰且走還駐江西聞三桂將黃士標等攻信豐亟率師赴援遣奇兵出其背與城兵衷擊之賊大潰遂會鎮南將軍覺羅舒恕解南康圍十六年三月上命舒恕留兵守贛州而授莽依圖署江寧副都統代舒恕佩鎮南將

軍印帥師規復廣東以額赫訥穆成額參贊軍事自南康進南安再進南雄三桂所遣守將皆出降之信亦率藩屬歸順莽依圖遂踰嶺進韶州韶居五嶺脊爲贛粵咽喉賊所必爭莽依圖以城北當敵衝厚增土墻夜則繩卒出城濬濠通水並分兵斷廣州餉道三桂將胡國柱馬寶以萬餘人攻城莽依圖屢擊郤之迺扼河西斷我水運又壁蓮花山發礮攻女墻悉壞會江寧將軍額楚赴援莽依圖出城兵夾擊破四營遂北至帽峯山夜戰大敗之河西賊亦引去餉連始通莽依圖督軍追擊破敵風門澳斬二千餘級下樂昌仁化諸縣乃還駐韶州時傅宏烈佩撫蟹滅寇將軍印巡撫廣西所將義兵五千人莽依圖慮其力不支遣副都統額赫訥將兵八千赴梧州佐宏烈而之信不爲具舟師久不集十七年二月莽依圖至平樂圍城寇水陸拒戰引還中山鎮與宏烈互奏糾上兩釋之莽依圖復還梧州引咎請罷將軍上切責之命留任圖功贖罪十八年春三桂從孫世琮犯梧州莽依圖與宏烈謀合諸軍分布水陸與戰賊敗去遂復桂林語具宏烈傳三桂將馬承蔭以南嚮來降世琮自梧州敗歸併力攻南寧

城幾陷莽依圖方臥病聞警督軍倍道赴援賊悉銳依山列鹿角拒戰莽依圖使額楚額赫訥引前鋒兵衝擊之而自與舒恕麾大軍進預遣兵潛出山後斷歸路盡殪之世琮負重傷以數十騎越山遁南寧圍解命進取雲貴莽依圖以承蔭雖降心叵測疏請暫駐南寧上命簡親王喇布鎮桂林莽依圖俟都統希福軍至合兵謀進取十九年授護軍統領承蔭果以柳州復叛宏烈遇害莽依圖軍進次宜賓承蔭驅象陣迎戰以勁弩射之象返奔賊陣亂鐵騎乘之遂大敗承蔭復以柳州降莽依圖疾益深八月卒於軍莽依圖母賢嘗訓以不殺降不掠民莽依圖終身誦之時稱仁義將軍既卒南寧人繪其像祀之事平朝議追論自平樂還梧州失律罪當繫沒上以莽依圖戰多且不擾民寬之奪恩詔所加世職以原授拜他喇布勒哈番兼拖沙喇哈番予其弟博和里博和里曰兄平粵有功上褒之不可使吾子孫復襲此職迺撫其孫布瞻阿繼襲乾隆元年追設襄壯三桂初反十三年正月上授都統尼雅翰鎮南將軍會師德州道安慶至武昌尋命參贊軍務攻岳州旋又命進取南康克之又擊破三桂將黃

乃忠等於袁州十五年五月上命哈爾哈齊率江寧兵攻吉安解尼雅翰鎮南
將軍印授之螺子山敗改授覺羅舒恕覺羅舒恕滿洲正白旗人武功郡王禮
敦曾孫康熙八年自一等侍衛授兵部督捕侍郎調吏部十三年命署前鋒統
領參贊定南將軍希爾根軍務精忠遺將陷撫州舒恕從希爾根進擊克之十
四年精忠兵復至又擊破之克新城宜黃崇仁樂安諸縣上命舒恕授廣東授
鎮南將軍叛將馬雄及三桂將王宏勳攻高州與戰不利退駐肇慶十五年尙
之信反再退駐贛州十六年上命解鎮南將軍印授莽依圖率師下廣東令舒
恕留兵佐巡撫佟國楨守贛州尋復授安南將軍三桂兵自宜章窺南雄韶州
上命莽依圖赴韶州應敵而舒恕守南雄爲聲援十七年穆占言郴州桂陽新
復請勅舒恕移師駐守舒恕疏言南韶爲湖南江西廣東三省接壤不可輕離
繼命進次梧州十八年卽軍前授都察院左都御史旋與莽依圖共擊吳世琮
解南寧之圍舒恕以病乞還肇慶召還京入對上察其神色如故無病狀詔詰
責命羣侯宗人府下王大臣議奪職三十四年起鎮黃旗滿洲副都統再遷寧

夏將軍參贊撫遠大將軍費揚古軍務討噶爾丹三十五年上親征授揚威將軍從費揚古出西路上駐棟斯拉召費揚古議軍事以舒愬署大將軍師有功予拖沙喇哈番世職擢正藍旗滿洲都統以病乞休卒勒貝郭絡羅氏滿洲正藍旗人鄂羅塞臣子初授侍衛兼管牛衆事累遷正藍旗滿洲都統三桂亂未平康熙十六年春上以簡親王喇布出師江西久無功參贊均不勝任命勒貝及哈克三舒庫往代之既命與江寧將軍額楚守韶州又詔進次梧州與宏烈攻鬱林及北流興業陸川博白軍益振乘勝下南寧克象州十九年秋莽依圖卒於軍詔勒貝代爲鎮南將軍從贊塔定雲南抵西隆調知三桂將何繼祖等屯安籠所石門坎與瑪奇率前鋒奮攻次第克三峯奪隘口復安籠所繼祖等堅守黃草壩列象陣以待復與贊塔大敗之直抵雲南城吳世璠自殺演平師還道卒

佛尼埒科奇理氏滿洲鑲紅旗人世居瓦爾喀父索爾和諾少孤兄瑚里納撫之成立後爲仇所害佛尼埒手刃之祭兄墓崇德三年來歸從伐明攻河間戰

死授牛彙章京世職佛尼埒襲職授西安駐防牛彙額貢進二等阿達哈哈番
康熙初累擢西安副都統十三年春從將軍瓦爾喀道四川討吳三桂入棧道
聞四川叛附三桂譚洪據陽平關從瓦爾喀自野狐嶺進兵斬三千餘級進朝
天嗣屢擊敗敵軍總兵吳之茂以保寄叛移師往討之弗克鑿壘暫與相持之
茂出刦略陽糧艘截槐樹驛篤我師餉不繼還漢中之茂要於中途與總兵
正懷忠擊之敗走其冬提督王輔臣叛連陷平涼秦州十四年擢西安將軍加
振武將軍銜命與貝勒洞鄂進討輔臣將高鼎以四千人屯關山河岸偕穆占
整帥與戰破其壘逐北又敗之渭河橋進薄秦州壘未定賊乘我不備開壁出
戰佛尼埒督軍遮擊賊不敢犯旋攻克東西二關賊數千掠仙逸關佛尼埒慮
斷餽道分兵往援賊踰山走追蹤之殺其黨且盡遂率師趨隴州賊縱火焚山
澤佛尼埒曰是欲燒絕我輓運道也若不增兵策應軍食何賴焉因暫駐隴州
時帥攻秦州久未下而四川及平涼諸寇挾萬餘人赴救城寇與應者亦八千
餘佛尼埒亟還帥與諸軍合偕內大臣坤連敗賊衆禽其將李國棟等殪其衆

三千餘州城復以次下禮縣西和清水伏羌諸城漢中郿道阻軍大飢將軍席
卜臣還西安上命佛尼埒領兵開棧道規漢中緣塗擊賊皆潰竄十五年之茂
欲爲輔臣援再犯秦州佛尼埒與護軍統領傑殷讓總賊後絕其餌道復靜寧
大將軍圖海下平涼之茂遁又與傑殷乘夜追擊及之牡丹園遂克祁山堡之
茂僅以十餘騎走十六年追論自保寧退還漢中諸罪降世職爲拜他喇布勒
哈番削振武將軍銜仍署西安將軍十七年與吳丹等敗敵於牛頭山於香泉
率師駐守寶雞堅扼棧道諸隘寇屢至屢敗之十八年從大將軍圖海征興安
寇阻梁河關佛尼埒領兵先驅濟乾玉河拔之興安下十九年濰川降並復鹽
亭中江射洪諸縣再敗寇豹子山克瀘州冬吳世璠將胡國柱自叙州擾永寧
詔授建威將軍討之二十年克馬湖世璠將宋國輔等以永寧降國柱亦棄叙
州遁上命佛尼埒守之尋命還鎮漢中二十一年卒乾隆初追謚恭靖子托留
製世職官至黑龍江將軍額倫特別有傳坤那木都魯氏滿洲正黃旗人先世
居綏芬隸瓦爾喀部父伊訥克太宗伐瓦爾喀先衆降坤事太宗淳擢一等侍

衛兼管牛彙事太宗伐明圍松山明總兵曹變蛟乘夜犯御營迫正黃旗營門
諸侍衛及親軍等皆散列門左右坤獨當門力戰卻敵上嘉其勇賜號巴圖魯
資白金四百授一等甲喇章京世職世祖累進一等阿思哈尼哈番兼拖沙
喇哈番尋以遺祭昭陵辭未往扈蹕南臺不入直又娶女子已賜配者爲妻論
罪當死上寬之奪官仍留世職侍衛十一年從靖南將軍珠瑪喇下廣東命署
固山額真破明將李定國於新會遂至橫州江岸斬馘無算擢內大臣康熙十
二年獎先朝諸舊臣坤加太子太保吳三桂反授振武將軍帥駐汝寧王輔
臣叛命移師西安十四年又命偕副都統翁愛等進駐漢中輔臣毀鳳縣偏橋
絕餌道又斷棧道阻漢中聲援詔趣坤援漢中次寶雞以道阻未克進命罷將
軍以內大臣從軍秦州既復朝議規復漢中以坤守潼關十八年上念坤已老
召還追論漢中逗留狀當奪官削巴圖魯號上曰巴圖魯號太宗所賜其勿削
但奪官仍留一等阿達哈哈番世職二十四年授散秩大臣並諭年衰不能朝
聽家居二十六年卒鄂泰瓜爾佳氏滿洲正白旗人世居蘇完國初來歸以軍

功累進二等阿達哈哈番順治間授盛京禮部理事官坐事黜並奪世職旋復起康熙初海擢盛京副都統王輔臣叛大將軍貝勒洞鄂西討命鄂泰率盛京兵千來京備徵發十四年授建威將軍率所部兵駐太原尋命赴西安參贊洞鄂軍務以建威將軍印授副都統吳丹鄂泰與副都統阿爾瑚屯寶雞賊出棧道攻九龍山鄂泰督兵縱擊盡殪之輔臣所署置總兵任德望率兵及衆七千餘屯益門鎮鄂泰分兵九路進擊自已至未破七壘德望以百騎遁驍騎校韓楚漢射中其股乃降十五年復捕餘賊紅崖堡十八年卒追授拜他喇布勒哈番兼拖沙喇哈番吳丹納喇氏滿洲正黃旗人葉赫金台石曾孫也康熙初以一等侍衛同學士郭廷祚視淮安河決十三年大將軍順承郡王勒爾錦討吳三桂吳丹奉使軍中宣諭機宜王輔臣叛命署副都統從鄂泰駐太原旋復命署建威將軍移師潼關十五年從大將軍圖海征平涼擊賊虎山墩輔臣乞降吳丹率數騎入城安撫降人十七年授護軍統領時漢中興安尙爲三桂兵所據上趣圖海進軍以吳丹參贊軍務戰於牛頭山香泉屢破賊圖海入覲命

仍佩建威將軍印暫統大兵旋從圖海徇鎮安偕將軍佛尼塔戰於火神崖破賊渡乾玉河克梁河關遂復興安上命圖海還駐鳳翔分兵界吳丹與將軍王進寶下四川爲後繼十九年與進寶擊賊蟠龍錦屏諸山大破之遂復保寧獲三桂將吳之茂等時將軍趙良棟亦復成都吳丹與佛尼塔分兵取順慶重慶並下達州東鄉太平諸州縣詔取瀘州趨雲南吳丹復從佛尼塔戰於豹子山破瀘州賊會永寧復爲賊得仁懷亦不守良棟劾吳丹不急赴援解將軍印還漢中事定還京王大臣等議罪奪職尋授三等侍衛兼佐領二十九年喀爾喀台吉額爾克阿海等爲亂噶爾丹亦犯邊命從大將軍裕親王討之戰於烏蘭布通噶爾丹敗走裕親王命吳丹與參領色爾濟博爾和岱調噶爾丹所在知遠去已數日乃還途值喀爾喀叛者並遇害賠散秩大臣子拖沙喇哈番世職畢力克圖博爾濟吉特氏蒙古正藍旗人世居科爾沁太宗時來歸授豫親王護衛從伐朝鮮及明錦州並有功順治初從討李自成定西安移師拔揚州下江寧以戰績著署護軍統領予牛羣章京世職擢正藍旗蒙古副都統六年詔

駐防平陽賊犯絳州擊卻之李廷泰叛據太平復與協領根特等攻之久弗下
迺穴地燃火藥墮城禽廷泰誅之累進一等阿達哈哈番授禮部侍郎調戶部
十一年從靖南將軍珠瑪喇下廣東明將李定國犯新會屯縣左山峪畢力克
圖再戰敗之追至興業斬殺過半趨橫州定國渡江遁進三等阿思哈尼哈番
坐事罷官降二等阿達哈哈番十七年命署護軍統領從定西將軍愛星阿出
師雲南時明桂王入緬甸定國與白文選分據孟艮木邦十八年會師木邦定
國走景線文選走錫箔江毀橋趨茶山畢力克圖至獲牒者結筏以濟次舊晚
坡去緬城六十里緬人謀獻桂王請大軍留駐以百人進蘭鳩江備捍衛於是
白爾赫圖率前鋒以往畢力克圖以護軍二百人從之緬酋竚猛以桂王出界
我軍遂班師還文選至猛養爲總兵馬寧追及率衆降畢力克圖撫其衆徙之
邊境論功進一等阿達哈哈番兼拖沙喇哈番康熙八年擢正藍旗蒙古都統
列議政大臣十二年加太子少師十四年王輔臣叛授畢力克圖平逆將軍帥
師駐大同尋延安綏德皆陷命進駐榆林詢知賊屯楊家店渡口遂分兵三隊

乘夜疾進黎明鳴角濟河賊不虞我師至也皆蹶走遂復吳堡進次虎爾崖口遇賊又擊敗之下綏德乘勝克延安並招撫附近諸州縣上命移師會揚威將軍阿密達攻平涼將至輔臣擁衆迎戰與貝勒洞鄂等擊之陣斬其將郝天祥十五年大學士圖海莅師命畢力克圖屯審夏輔臣降還駐平涼越十七年移師守隴州寶雞固海議取漢中與鄂克濟哈等分道入以次降靈臺華亭崇信諸縣其冬克成縣十九年徵還仍任都統二十年卒年七十有三諡恪僖孫常遠襲職二十五年追錄陝西軍功進二等阿思哈尼哈番噶爾漢納喇氏滿洲正紅旗人尙書噶達渾子也噶爾漢襲一等阿達哈哈番授王府長史康熙初遷正紅旗滿洲副都統十四年授鎮安將軍駐守河南時寇勢甚熾總兵楊來嘉叛命移師襄陽十五年戰南漳破靈機寨叛將譚宏等犯鄖陽遣黨扼城東陝嶺斷我輓餉道復與提督佟國瑞會師分路進擊賊退十八年謝泗劉魁等掠竹山竹谿諸縣逼鄖城與興安賊爲聲援噶爾漢往討之時方溽暑鄖西數百里山逕陋隘草木叢塞澗兩洪注師阻水弗能進噶爾漢期以木落水涸時

進師上責其逗留削前功二十年薄鄭城時宏已死其子天秘毀墮遁遂克之
以次下萬開建始梁山諸縣及忠州二十二年授荊州將軍部議當楊來嘉攻
房縣不能救當奪職上命降級留任二十六年湖廣裁兵夏逢龍倡亂噶爾漢
師次安陸遣協領穆禮瑪等攻之多所斬馘進次應城賊還竄武昌會糧絕戰
艦不足用疏言狀召還授正紅旗蒙古都統比至都諭退縮玩寇罪免官後卒
於家

阿密達他塔喇氏滿洲正白旗人順治間授三等侍衛淳擢正白旗滿洲副都
統康熙初擢領侍衛內大臣議政大臣十三年吳三桂反襄陽總兵楊來嘉以
穀城叛應之河北總兵蔡祿初與來嘉並爲鄭成功將先後來降來嘉招同叛
祿具鎗械購廝馬密令所部爲備聖祖聞狀命阿密達率兵赴懷慶察視祿不
出迎謀拒戰阿密達疾馳入其廝得祿及其孥悉誅之耿精忠亦叛授阿密達
揚威將軍率滿洲兵千人駐江寧命習水戰尋授簡親王喇布揚威大將軍阿
密達歸將軍印參贊軍務王輔臣叛十四年命阿密達仍佩揚威將軍印率兵

赴蘭州佐以副都統鄂克濟哈覺旁岱時輔臣據平涼蘭州諸路皆陷賊大將軍貝勒洞鄂令阿密達徑攻平涼五月克寧州薄平涼戰失利退駐涇州洞鄂兵至命參贊軍務與總兵孫思克會師進攻久不下十五年大學士圖海代爲大將軍阿密達參贊如故既奪虎山墩俯攻城輔臣乃降十七年命赴湖南從大將軍安親王岳樂討吳世璠十八年克武岡諭阿密達與安親王計議量撤滿洲兵護還京師十九年授正白旗蒙古都統部議平涼戰敗當奪職上寬之命降五級留任尋復授領侍衛內大臣噶爾丹爲亂命諭賊狀二十九年命參贊大將軍裕親王福全軍務出塞討噶爾丹戰於烏蘭布通勝敵師還部議不能乘勝滅賊福全以下皆有罪當奪職上以師有功宥之三十五年上親征噶爾丹阿密達請從征上次克魯倫河以阿密達暫充將軍率留後滿洲兵及綠旗步兵赴克勒和碩並命兼轄留屯各軍尋撤還京師四十八年卒鄂克濟哈納喇氏滿洲正黃旗人初任侍衛署副都統兼佐領康熙十三年三桂反陝西湖廣並警上命偕副統色格駐河南府輔臣亂起從阿密達赴西安剿撫尋赴

蘭州參贊阿密達軍務克涇州寧州詔嘉之十八年從圖海攻禮縣驛門大破之復塔什堡進克興安圖海以漢中要地令鄂克濟哈領振武將軍與副都統哈塔將千人守之十九年提督趙良棟等徇四川與將軍吳丹爲後勁瀘州陷率師攻克之又敗之托川雅未幾賊犯仁懷吳丹擁兵不救永寧復陷命還漢中而使鄂克濟哈領其衆鄂克濟哈疏言建昌永寧相去千餘里未能兼顧乃命佛尼塔專領永寧一路而授鄂克濟哈宣威將軍駐軍成都專領建昌一路二十年建昌軍棄城走自効解將軍印以都統覺羅吉哈里代還守漢中尋入爲二等侍衛三十年遷正黃旗副都統三十三年授護軍統領從征噶爾丹事平駐守寧夏三十八年卒覺羅吉哈里滿洲正白旗人武功郡王禮敦第三世孫順治初授牛彙額真襲父拜他喇布勒哈番世職遇恩詔晉二等阿達哈哈番累遷護軍參領鑲黃旗滿洲副都統康熙十二年吳三桂反京師奸民楊啟哈禮亦獲焦三朱尙賢張大李柱陳繼志史國賓王鎮邦等送法司廉得實論

棄市語互詳鄂克遜傳十六年命與副都統席布率師赴四川會鎮安將軍噶爾漢討賊即軍前摺鎮黃旗蒙古都統三桂孫吳世璠尙據有雲南貴州其將胡國柱夏國相馬寶等分犯瀘州敍州建昌二十年建昌陷上解鄂克濟哈宣威將軍任詔吉哈禮代之統所部兵會提督趙良棟復建昌良棟自雅州入吉哈禮爲後鑿戰大渡河奪寇舟以濟是時師下雲南已合圍國柱等亟引衆還吉哈禮遂復建昌將趨雲南行至武家疾作卒於軍艤如例

拉哈達鈕祜祿氏滿洲鎮黃旗人車爾格第五子順治間以侍衛襲其兄法固達三等阿達哈哈番世職恩詔累進一等授兵部督捕侍郎摺工部尙書議政大臣康熙三年授鎮黃旗滿洲都統十三年吳三桂叛授鎮東將軍駐防兗州甫至而耿精忠叛犯浙江詔往署杭州將軍與平南將軍贊塔總督李之芳共籌防禦賊窺金華遣副都統沃申副將陳世凱等擊卻之後犯台州寧波紹興皆騷動上命康親王傑書爲大將軍貝子傅喇塔爲寧海將軍統師援浙拉哈達以都統參贊軍務十四年擊處州賊連下松陽宣平十五年從康親王徇福

建精忠降即導我師攻鄭錦時漳州泉州興化三府爲錦所據遣其將許耀以三萬人逼福州拉哈達率師擊之破其營十四其冬傅喇塔卒於軍授拉哈達審海將軍十六年與賚塔合軍攻興化克之其將郭維藩以仙遊降耀奔泉州復據以堅守拉哈達率銳師宵加之漏未盡梯入斬耀及諸僞官入城撫定軍民是時錦連敗還廈門泉州漳州二府及海澄等十縣皆復降將四百兵四千有奇移師略潮州叛將劉進忠亦降乃還守福州十七年錦將劉國軒陷海澄復犯泉州斷萬安江東二橋扼長泰同安諸隘南北援絕泉州幾不守拉哈達駐漳州詔責其不亟援海澄趣戴罪赴泉州雖拉哈達議自長泰入會江漲軍阻水侍讀學士李光地方居憂在籍迺遣使導師出問道自南靖道漳平趨安溪遂薄泉州圍乃解國軒築學濱海東石地當金門廈門道十八年拉哈達遣沃申攻克之十九年與巡撫吳興祚自同安至溥尾分兵渡海拉哈達居中興祚自左總兵王英自右並趨廈門賚塔與總督姚啟聖提督萬正色楊捷總兵黃大來師來會三面合擊賊不能支遂克廈門復進攻金門其將吳國俊等迎

降錦與國軒走歸臺灣詔召康親王還京命拉哈達與副都統馬思文守福州
二十一年撤滿洲兵還京追論失守海澄罪部議降世職爲三等並罷官上以
拉哈達從康親王平福建有勞留都統任二十四年致仕四十二年病卒卹如
制察哈泰薩克達氏滿洲廂紅旗人世居寧古塔事太宗從伐明屢有功順治
初逐李自成討金聲桓皆在行間屢擢太僕寺理事官並授三等阿達哈哈番
復遷太僕寺卿鎮紅旗滿洲副都統從伐俄羅斯將舟師招降斐雅喀百二十
餘戶坐所部戰艦戰失利奏不實罷副都統尋世職專管牛錄事康熙三年復
授鎮紅旗蒙古副都統以老乞休上慰留之尋遷護軍統領加太子少保十三
年從拉哈達出駐兗州上命拉哈達赴杭州以敕印留付察哈泰織爲鎮東將
軍十四年命仍以護軍統領帥所部赴荊州聽順承郡王勒爾錦調度十五年
三桂將陶繼智等犯宜昌率兵駐江陵通聲援七月卒於軍卹如制察哈泰調
赴荊州上命以鎮東將軍印授副都統布顏統蒙古兵留駐兗州事定撤還京
師

根特納喇氏滿洲正黃旗人父達雅里國初來歸從伐明攻深州先登克之軍功累進一等參將世職根特早歲從戎數立功績從伐明攻泗水縣定州並先登賜號巴圖魯授三等甲喇章京世職順治元年授刑部理事官五年金聲桓以南昌叛從大將軍譚泰討之薄南昌攻未下根特自城南以登拔之聲桓中矢死禽王得仁師還擢梅勒額貢進一等阿達哈哈番六年姜瓖以大同叛其黨虞允白漳張萬全陷蒲州及臨晉猗氏河津從總督孟喬芳濟河擊之復蒲城進征平陽白漳擁步騎六千至榮河迎戰奮擊大破之迫黃河城未及濟師薄之賊多赴水死遂斬白漳餘奔吉鎮悉殲焉移師趨猗氏環黨衛登芳依山結寨與萬全爲犄角復分兵擊斬萬全殲其衆尋生得登芳復進敗環黨郭中傑於聞喜康熙十三年吳三桂反命出駐兗州尋以江西地要衝命偕副都統席布徙守南昌長沙陷袁州吉安二府與接壤巡撫董衡固請發兵駐防命根特自南昌移師備戰禦尋以希爾根爲定南將軍根特參贊軍務尙可喜疏請兵上令根特俟希爾根兵至率所部下廣東耿精忠反授根特平寇將軍令仍

返江西副將柯昇以廣信叛應精忠破都昌寇南康復命根特先定廣信與前
鋒統領覺羅舒恕自袁州規長沙是年八月卒於軍艤如制禮部尙書哈爾哈
齊副定南將軍希爾根駐江西根特卒上命以平寇將軍印授之十一月命赴
江寧贊大將軍簡親王軍務鎮江南十五年五月命率江寧兵赴廣東授華善
平寇將軍道江西命會師攻吉安螺子山之敗坐奪官披甲華善漢軍正白旗
人石廷柱第三子爲豫親王多鐸增授和碩額駙三桂反授安南將軍守鎮江
尋命贊大將軍簡親王軍務駐江寧十五年改授平寇將軍十六年簡親王進
軍江西命華善率所部從以平寇將軍印留付江寧副都統科爾擴岱十七年
授定南將軍命守茶陵三桂兵攻永興急上命簡親王進次茶陵而令華善救
永興華善不敢進上切責之解將軍印令從穆占自效事平論罪上命寬之三
十四年卒子石文炳襲廷柱三等伯累遷福州將軍以華善老召授正白旗漢
軍都統尋聞喪還京卒於途

席卜臣瓜爾佳氏滿洲鑲白旗人費英東弟郎格之孫也事太宗從上征朝鮮

從睿親王多爾袞伐明戰於通州擊敗太監高起潛軍再從攻錦州屢戰破敵順治初從大軍入關擊李自成戰於一片石遂至慶都敗賊於太原二年從英親王阿濟格徇陝西遂自成至安陸三年從肅親王豪格下四川殲張獻忠五年從討叛將姜瓖敘功屢遇恩詔世職至二等拜他喇布勒哈番官至護軍統領十二年與都統卓洛等出駐荊州破孫可望十六年與安南將軍明安達里援江寧敗鄭成功將楊文英等斬馘甚多康熙九年擢鎮白旗蒙古都統十二年加太子少傅十三年吳三桂反上授都統赫葉爲安西將軍與西安將軍瓦爾喀等自漢中下四川十四年復授席卜臣鎮西將軍與副都統巴喀德業立同駐西安尋又命大將軍貝勒洞鄂西討赫葉歸將軍印參贊軍務是冬席卜臣與赫葉會師攻保寧三桂將王屏藩拒守師屯蟠龍山屏藩出戰潛遣別將自他道絕流渡撓我師我師乘營退席卜臣引還漢中上命駁諸將罪赫葉奪職披甲自効方軍退佐領穆舒晉死決戰將甲上記號付將軍督兵奮勦上聞超擢正紅旗蒙古副都統以獎其勇席卜臣至漢中值王輔臣叛棲道絕餉不

繼引還西安旋召還京事定王大臣追論蟠龍山戰敗罪奪官削世職上以席
卜臣有勞免其籍沒尋卒希爾根覺爾察氏滿洲正黃旗人世居長白山太宗
居藩邸時任護衛天聰間以軍功授牛彖章京世職崇德元年從伐明連下昌
平寶坻十餘城遷巴牙喇甲喇章京擊敗明太監高起潛兵禽總兵巢不昌又
助譚泰設伏敗三屯營騎兵師還敵賊後諸將護輜重先行希爾根殿超授一
等甲喇章京世職二年從克皮島將行圍選扈從其父雅賴與焉希爾根向睿
親王多爾袞乞免不許給以珠爾堪代之事覺坐欺罔應罷官奪世職從寬論
罰錢從師圍錦州壁山岡明兵至擊走之並擊退松山援兵復坐擅離軍伍言
事不實停敍功七年師圍薊州明總兵白騰蛟率師馳救希爾根擊敗之順治
二年從英親王阿濟格討李自成圍延安大敗其衆其將有一隻虎者稱驍果
數犯我師希爾根三戰皆克遂至西安自成奔湖廣逐北至安陸賊據城拒戰
復與鼇拜攻克之獲戰艦八十艘引兵武昌賊又集艦五百浮江將東下譚泰
率衆往取希爾根先至獲之進三等梅勒章京三年從肅親王豪格征張獻忠

與哈寧阿阿爾津蘇拜敗之西充別趨涪州討賊袁船斬虜多尋坐哈寧阿陷重圍不救復與阿爾津等爭功論棄市詔改罰贖降三等甲喇章京六年姜瓖叛據大同希爾根從巽親王滿達海討之圍太谷以砲破其城斬瓊所署置知縣李成沛都司吳汝器進克大同以次復長子縣渾源朔二州永甯州嵐縣潞安府並降又與漢岱攻復遼州山西平當進秩因訴前鐫秩冤累遇恩詔進一等阿達哈哈番九年擢巴牙喇叢章京列內大臣十二年加太子太保十三年耿精忠叛使其將白顯忠寇廣西建昌撫州授希爾根定南將軍率師援江西以桑格贊軍事沃赫伊巴罕從次南昌而三城已陷是時安親王岳樂駐師省城檄希爾根先取撫州賊出拒連敗之并率沙納哈擊走援賊城賊待援不至棄城走精忠將陳昇構土城郭應定等犯贛州令副都統甘度海禦之大捷追至龍泉破三壘復攻取曹林十餘寨十四年擊敗精忠將邵連登復建昌移師饒州擊退餘干浮梁樂平諸縣賊會岳樂帥下湖南命簡親王喇布赴南昌以希爾根副之三桂將高大節出醴陵萍鄉陷吉安冀斷岳樂軍後路我師屯螺

子山大節勇常以少騎奔我師喇布倉皇棄營走希爾根從之賊入營縱飲飽掠而歸俄大節死希爾根督師攻圍戰又弗勝踰歲賊遁詔仍駐南昌尋以老召還十八年卒子喀西泰任護軍參領從征四川攻保寧死蟠龍山之戰

論曰當三藩亂時命將四出以庶姓授大將軍惟圖海與費塔二人而已費塔自廣西穆占自湖南皆轉戰下雲南創平巨慤功最多穆占功歸彰泰故賞不逮費塔莽依圖功與相並惜中道先卒佛尼埒等皆夙將有戰績其時雜號將軍或出朝命或卽軍前除拜有一人遞掌二三印者有一印迭授二三人者皆領異軍獨當一路綜而觀之當自行師應敵之大概可以得其要矣

清史稿

列傳四十二

張勇

趙良棟

子安禮 安慶

王進寶

子用子 王萬輝

孫思克

馬應良

張勇字非熊陝西咸寧人善騎射仕明爲副將順治二年英親王阿濟格帥次九江勇來降檄令招撫得總兵以下七百餘人授游擊隸陝西總督孟喬芳標下時李自成將賀珍賀宏器李明義等分據漢中興安固原諸地竊西安勇與副將任珍馬寧等禦戰屢敗之四年寧夏叛將馬德結宏器陷安定勇從總兵劉芳名率師赴援戰馬寧陳擒德勇攻克固原獲宏器明義誅之四年米喇印丁國棟以蘭州叛陷臨洮勇與副將陳萬略率師夾擊破賊復臨洮逐賊至岷州敗之官堡又敗之馬韓山賊分竄二崖洞殲焉又敗之馬家坪獲明延長王誠鋗喬芳攻拔蘭州喇印國棟走甘州勇等率師與喬芳會遂渡河而西八月至甘州賊出戰屢擊敗之六年正月總兵南一魁奪門入勇入城巷戰賊夜遁逐之至北山殲賊甚衆斬喇印於水泉國棟走肅州師從之五月至肅州伏壕

外伺賊出牧擒斬不使得入十二月勇與馬寧督兵樹雲梯登城遂復肅州誅國棟超授甘肅總兵十年叙功授三等阿達哈哈番大學士洪承疇視師湖廣勇請自効詔獎其忠勤召詣京師承疇亦薦勇智勇兼備所部兵精馬足請移授經略右標總兵上許之勇入對賜冠服甲冑弓矢加右都督勇移家京師乞賜宅子雲翥以廢授陝西衛指揮乞改隸京衛並得旨俞允勇將行命內大臣索尼等傳諭曰當今良將如勇者甚少軍務不可懸度當相機而行勿負才輕敵至軍佐承疇屢破敵十五年從徇貴州明將羅大順焚新添衛勇率兵馳戰大順走十萬谿勇與一魁等破其壘復從信郡王多尼下雲南次盤江明兵焚鐵索橋勇夜督兵造梁黎明全軍皆得度破明將白文選於七星關十六年加左都督十七年命移鎮臨沅廣西諸處十八年遷雲南提督康熙二年以勇久鎮甘肅威名素著屬番服命還鎮甘肅三年加太子太保西喇塔拉饒水草號大草灘厄魯特蒙古乞駐牧於此勇以其地當要隘不容逼處自往諭之事遂寢因請築城其地曰永固旁建八寨相聯屬爲聲勢四年蒙古徙牧近邊請

增西寧兵四千五百二十部議下總督覆覈上特命允之十二年吳三桂反四川總兵吳之龍叛應之十三年三桂使招勇勇執其使以聞陝西提督王輔臣亦叛勇督兵防禦十四年巡撫華善疏言輔臣遙應三桂西番土回乘隙並起河西危甚得免淪陷皆勇之力請敕許勇便宜命授靖逆將軍仍領提督總兵以下聽指揮輔臣招勇勇斬其使上嘉之封靖逆侯勇遣西寧總兵王進寶率師攻蘭州輔臣將潘瑀攻洮州曾文耀攻河州番部乘隙肆掠勇率兵攻河州文耀敗走別遣土官楊朝樞攻洮州自督兵繼其後瑀亦敗走上嘉勇謀略以其次子雲翼爲太僕寺卿勇進攻鞏昌輔臣將任國治等潛師入城與城兵共出戰勇與副將劉宣聖等奮擊截其歸路斬馘過半獲四百七十三人時輔臣據平涼貝勒洞鄂督兵圍攻久不下上命勇率師會之勇疏言鞏昌要地兵力難分下廷臣議令勇固守鞏昌吳三桂遣其將吳之茂自四川北犯爲輔臣聲援屯西和勇與振武將軍佛尼塔及進寶等禦之三戰皆勝寧夏兵變狀提督陳福勇還駐鞏昌疏薦天津總兵趙良棟才勇命卽授寧夏提督十五年叙復

洮河二州功加少保兼太子太保吳之龍屯樂門分兵攻陷通渭勇督兵道伏羌赴援至十八盤坡與之龍兵遇張兩翼衝擊之龍兵潰乘勝復通渭進攻樂門之龍據險列十一寨勇度地令橫營山梁營甫立賊齊出勇令兵持草一束與都統赫葉分擊南北山梁賊亦南北應戰火器發賊敗走入寨兵投草墳暫直進殺賊千餘之龍收餘衆復戰勇勒兵衝擊之龍大敗勇與佛尼勒進寶等盡平賊寨之龍夜走追敗之牡丹園又敗之西和北山之龍僅以數騎遁大學士圖海出視師輔臣降勇遣兵收平涼慶陽鞏昌諸屬縣詔褒勇功進一等侯加少傅兼太子太師十七年準噶爾台吉噶爾丹兵入河套厄魯特部爲所敗假道赴青海闖入內地勇驅令出塞二十一年入覲二十二年以老病乞休諭留之二十三年聞青海蒙古游牧近邊城卒兵赴丹山防禦至甘州病篤上聞遣醫並其子雲翼馳驛往視尋卒贈少師仍兼太子太師賜祭葬設襄壯勇身經數百戰克府五州縣五十右足中流矢傷骨不能履常以肩輿督戰臨敵若無事而智計橫出每以寡勝衆居恒恂恂退讓賓禮賢士用人盡其材其所甄

拔往往起卒伍爲大將良棟進寶尤其著者也子雲翼襲爵官至江南提督卒
謚恪定雍正間祀勇賢良祠乾隆三十三年命以一等侯世襲罔替四十七年
詔褒勇良棟進寶勳績尤稱勇有古名將風時勇四世孫承勳襲爵以散秩大
臣曠班降三等侍衛命復還散秩大臣

趙良棟字擎宇甘肅寧夏人先世居榆林順治二年師定陝西良棟應募隸總
督孟裔芳標下檄署潼關守備從征秦州鞏昌擊敗叛將賀珍武大定授寧夏
水利屯田都司五年討河西回禽丁國棟良棟在行間擢高臺游擊十三年以
經略洪承疇薦從征雲貴授督標中軍副將康熙元年擢雲南廣羅總兵先後
剿平馬乃臘納水西諸苗四年移鎮貴州平遠遭父喪吳三桂以水西未大定
留勿遣良棟辭忤三桂同官爲排解乃得歸終制八年起山西大同總兵十一
年移鎮直隸天津十二年三桂反十三年寧夏兵變狀提督陳福甘肅提督張
勇薦良棟擢寧夏提督入覲奏寧夏亂兵宜誅首惡宥曾從上領之良棟請留
寧京師賜宅以居簡精兵百疾馳赴鎮宣上諭撫慰察知倡亂者把總劉德而

參將熊虎與其謀狀福者營兵閻國寶陳進忠乃分兵使出防散其黨羽逮虎等正其罪請旨斬之是時大將軍圖海督師平涼討王輔臣良棟及平涼提督王進寶並聽指揮分兵定秦州西和禮縣十八年良棟疏言寧夏兵舊習驕縱臣三年訓練漸遵紀律並嚴禁侵尅額爾衆志思奮臣年漸老不乘時努力虛負上恩今湖南既定宜取漢中興安規四川臣願精選所部步騎五千獨當一路上覽奏嘉許下圖海圖海議先破棧道盔門鎮諸處賊量分四道進取而涼州提督孫思克疏請緩師得旨切責乃以十月定師期良棟將所部出徽縣師進破密樹關遣兵襲黃渚關分敵勢大戰破三桂兵克徽縣思克出略陽方次階州良棟帥自徽縣進克略陽三桂將吳之茂敗走良棟復進取陽平關徇沔縣進寶出鳳縣定漢中良棟與會師寧羌各奏捷授良棟勇略將軍仍領寧夏提督十九年良棟與進寶分道進次白水壩三桂兵夾江而陳江水方漲不得舟賊矢石如雨良棟令於衆曰視我鞭所向敢退者斬一軍皆奮呼良棟擐甲跨馬亂流而渡師從之敵發砲傷數十人無回顧者三桂兵錯愕奔潰逐之過

青川敗之石夾溝再敗之青筈山下龍安府渡明月江經縣竹三桂兵盡潰所置巡撫張文德及其將汪文元等皆降遂復成都蓋出師甫十日上獎良棟功擢雲貴總督加兵部尙書仍領將軍良棟念寧夏當有代者鎮兵且不能從征疏辭總督上弗許部議寧夏改設總兵上卽授良棟子庶生宏燦仍將鎮兵從征時進寶亦克保寧與建威將軍吳丹等徇順慶重慶遵義皆下良棟分遣游擊治國用等西徇雅州復象嶺建昌諸衛東略敘州定納溪永寧諸縣疏請收陝西四川督撫諸臣合籌連餉濟軍師自四川分道一自保寧出永寧達霑益一自成都出建昌達武定並下雲南上聽其言諭諸將帥協謀定策尋議吳丹出永寧良棟出建昌吳世璠遺其將胡國柱夏國相等攻陷永寧犯瀘州敘州復衆竊建昌良棟檄總兵朱衣客將八千人援建昌朱衣客戰不勝退駐雅州建昌守兵食盡棄城走良棟劾吳丹擁兵不進致永寧陷賊並及朱衣客引退狀詔解吳丹將軍以授佛尼埒逮朱衣客下刑部二十年良棟率師次朝天關遣宏燦出馬湖繞賊兵後戰鳳凰村再戰觀音崖賊據崖宏燦督兵攀崖襲其

後鹹三百俘八十餘令總兵李芳述偏圓等逐至黃茅岡賊分三道拒戰宏燦
分兵應之自旦至暮大破賊斬其將沈明張文祥國柱等遁走復瀘州敍州遂
克永寧徇榮經良棟與會師夾江克雅州進復建昌渡金沙江次武定大將軍
貝子彰泰統湖廣廣西諸路滿漢兵四十萬下雲南攻會城屯城東歸化寺西
瓦碧雞關連營四十里前臨昆明湖湖中不設兵世璠收餘衆固守自水道轉
餌相持數月未下九月良棟至軍周視營壘請於彰泰曰我師不速戰相持日
久糧不繼何以自存彰泰曰皇上蒙養滿洲兵豈可輕進委之於敵且爾兵初
來亦宜體養何可令其傷損良棟不從率所部夜攻南壩破壘奪橋遂薄城彰
泰語良棟爾兵攻已疲宜暫退令總督蔡毓榮代守良棟曰我兵死戰所得地
奈何令他人守乎於是彰泰令諸軍悉進世璠兵出城戰於桂花寺諸軍皆奮
鬥世璠兵大敗乃自殺餘衆以城降雲南平自三桂鎮雲南至世璠覆亡歷年
久子女玉帛充積饒富城破諸將爭取之獨良棟無所取戢所部兵絲毫毋敢
犯朱衣客就逮具疏辨謂良棟與兵少又無後應是以退還進寶亦疏謂建昌

之陷罪在良棟良棟復劾朱衣客欺飾狡辨且謂辨疏出進寶上以軍事急命俟事平察議雲南既定召良棟詣京師進寶亦入覲諭曰當賊據漢中負固諸將咸謂恢復爲難獨良棟首發議進剿與進寶同取漢中嗣因意見不相合遂分道克成都而進寶亦取保寧成都不下保寧未易拔保寧不下成都未易守是二將並有功也時賊皆入川抗戰我師乘虛自沅州鎮遠取貴陽川中寇復張已復之疆土幾至再陷則二將不能和衷之所致也二將不諳大體私忿攻許朕念其功績並茂惟欲保全互許章奏皆置不問但論失援建昌罪部議朱衣客論斬吳丹奪官籍沒良棟奪官上命朱衣客免死爲奴吳丹奪官良棟改授鑾儀使二十二年良棟疏陳戰功請察議下王大臣等議良棟失建昌以功抵罪止敍從征將士宏燦芳述偏勳並加左都督棟良尋乞病歸二十五年上念良棟克雲南廉潔守法紀復將軍總督原銜二十七年入覲復自陳戰功上命還里牒部具奏二十八年授拜他喇布勒哈番三十年噶爾丹擾邊命西安將軍尼雅翰等出防寧夏以軍事略良棟三十二年以寧夏總兵馮德昌赴甘

州命良棟暫領鎮兵良棟勸德昌尅軍糧德昌坐罷三十三年命良棟率兵駐土喇禦噶爾丹旋召詣京師三十四年良棟復自陳戰功爲大將軍圖海彰泰所抑並答大學士明珠蔽功上責其褊隘還其疏仍敕部優敍授一等精奇尼哈番良棟願留京師乞田宅御史張翔麟劾良棟驕縱上原之費白金二千令歸里三十六年良棟病尙書馬齊自寧夏還奏狀手詔存問賜人棗鹿尾尋卒年七十有七上方征噶爾丹次榆林諭曰良棟偉男子著有功績性躁心窄每與人不合奏事朕前言語雖率朕保全功臣始終優容之所請無不允今病卒宜爲其妻子區處使得安生至寧夏命皇長子允禔臨其喪賜祭葬號襄忠五十九年上諭羣臣猶舉良棟至雲南與彭泰議軍事謂決於進戰乃得成功乾隆四十七年進一等伯世襲罔替子宏燦初以庶生特授寧夏總兵歷川北正定黃巖南贛諸鎮三十八年授浙江提督調廣東四十五年授兩廣總督五十五年入覲辭還奏言久處炎海年事就衰請移近地自効尋授兵部尙書六年詣京師至武昌道卒謚敏恪宏燦初授完縣知縣再遷天津道良棟卒襲

一等精奇尼哈番復授天津道三遷河南巡撫調直隸五十四年諭獎宏變撫直隸十年任事勤勞旗民輯睦盜案希少加總督銜六十一年卒諡肅敏宏變在官虧庫帑特命宏燦子之垣以郎中署直隸巡撫責完補世宗即位以之垣庸劣令解任尋命免追虧項詔謂念良棟舊勳也

王進寶字顯吾甘肅靖遠人精騎射順治初從孟喬芳討定河西回授守備隸甘肅總兵張勇標下順治十一年勇調經略右標總兵南征進寶從徇湖南十五年下貴州師次十萬谿懸崖千仞明將李定國遣其將羅大順扼險屯守進寶率衆攀崖直上搗其巢大順奔潰以功遷經略右標中營游擊康熙二年勇還爲甘肅提督進寶亦改授提標左營游擊隨軍有功遷參將厄魯特蒙古欲得大草灘駐牧勇用進寶議持不可既城永固以進寶爲副將駐其地十二年擢西寧總兵王輔臣攻陷蘭州勇遣進寶率師討之次黃河夜以革囊結筏自蔡灣渡破賊皋蘭龍尾山獲輔臣將李廷玉遂東拔安定復金縣西攻臨洮會大雪調賊不誠備製破之輔臣使持吳三桂劄招進寶以聞加左都督四

月進攻蘭州輔臣遣兵開壁出戰進寶督兵奮擊自日至日中禽斬過半賊敗入壁爲長圍困之斷其糧餉六月輔臣兵造筏黃河謀潛遁進寶緣河要之賊計蹙其將趙士昇出降其秋三桂遣其將王屏藩吳之茂自四川入陝西爲輔臣聲援之茂據西和鳳凰山進寶督兵討之初合我師敗績夜之茂兵來襲進寶以計環攻之蹙之黨家山大潰多墮崖死十五年擢陝西提督仍兼領西寧總兵駐秦州之茂進據北山斷臨洮鞏昌道進寶與將軍佛尼埒分兵赴接擊敗之獲其將徐大仁戰羅家堡再戰鹽關屢勝之茂集潰兵萬餘屯鐵葉磽紅山堡築營護以密椿潛出運芻糧進寶遣兵破賊牡丹園獲糧械大將軍圖海進攻平涼輔臣引四川叛將譚宏犯通渭進寶引數十騎入自東峽口聞將軍赫葉戰敗寇方張令諸軍伐木曳以行塵大起寇駆走追殺數十里分兵進攻復靜寧於是平涼遂下六月師次樂門甫立營之茂兵來攻進寶督兵環擊殲其裨將數輩復與佛尼埒合兵戰屢勝之茂僅以十餘騎潰走平原固原悉定論功授二等阿思哈尼哈番上褒進寶忠義進一等授奮威將軍仍兼提督平

涼諸軍事十七年復慶陽斬其將袁本秀十八年圍海鹽取漢中國海與總兵費雅達自棧道先驅進寶疏乞令長子用予隨征上授以副將帥進次寶雞進寶遣用予擊賊紅花鋪大敗之克鳳兩當二縣復進次武關令用予將偏師繞出關後進寶督兵夜斬關入獲其將羅朝興等復進奪雞頭關直趨漢中屏藩率其衆自青石關走廣元進寶遣兵追擊其將楊永祚孫啓耀來降遂盡復漢中地時趙良棟亦克略陽命分道定四川將軍吳丹鄂克濟哈率滿洲兵繼進進寶自青石關進次神宣關督兵奪朝天關疾馳進拔廣元屏藩走保寧十九年分兵趨保寧距城二十里當孔道立營屏藩以二萬人出戰進寶督兵奮擊大破之追至錦屏山連拔賊壘奪浮橋薄城守兵貫弓注矢進寶披襟示之曰何不射我守兵皆驚愕用予斬門入進寶戢諸軍毋驚井里皆曰此仁義將軍也屏藩與其將陳君極縊焉獲之茂與其將張起龍郭天春等十七人誅之分部諸將及次子用寶復昭化劍州蒼溪蓬州廣安合州西充岳池諸州縣悉定時良棟已克成都授雲貴總督移軍下雲南詔進寶留鎮四川駐保寧擢用予

松潘總兵進寶疏稱疾乞休命還固原就醫即令用予護諸軍駐保寧尋改用
予固原總兵良棟檄川陝諸軍從征進寶疏言所屬諸軍宜留鎮守請停撥遣
從之三桂將胡國柱夏國相等自貴州入四川譚宏既降復叛陷建昌良棟疏
劾進寶進寶言方臥疾固原建昌之陷罪在良棟詔趣進寶還保寧護諸軍殺
功進三等精奇尼哈番用予加左都督授拖沙喇哈番二十一年三桂將馬寶
犯敘州用予擊卻之並復納溪江安仁懷合江諸縣降其將何德成等寶愈還
雲南上命用予率所部駐永寧二十一年雲南平進寶入覲良棟亦詣京師命
王大臣發還互勅章奏並宣諭二臣功績並茂欲矜全保護之私忿攻計不諳
大體皆置不問語互詳良棟傳資服物還鎮二十三年疾甚乞休時用予已調
太原總兵命偕太醫馳驛視疾尋移甘肅總兵俾便奉侍十四年進寶卒贈太子
太保賜祭葬忠勇用予襲爵進二等尋卒官乾隆三十三年命世襲罔替
寧人幼喪父母依其戚郭氏從其姓進寶官游擊應募入伍屢當軍鋒積功至
四十七年進一等用寶授侍衛進寶所部多材武王萬祥尤著萬祥字瑞宇會

副將攻蘭州萬祥請先取臨洮進寶率兵以夜半至城下萬祥見城有缺令裨將閻潤先登縋萬祥上數十人從守者驚覺發矢石萬祥語衆曰今欲退無路惟有猛進手刃數人衆繼上遂克臨洮夏兵變軍中流言洶洶萬祥告進寶翼日陽引兵退而置伏以待敵來追伏起敵大敗俄至者益衆萬祥中矢手拔戰益奮左輔又創仍力戰敵乃潰奔克通渭進寶憤城人通賊將悉按誅之萬祥諫而止攻漢中將二千四百人斷敵禪道敵棄寨屯八角原復攻之下土寇起擊斬其渠拔鳳縣分兵取兩當雪夜進攻武關禽其將劉哈性戰閻王福用予陷圍中萬祥馳援傷右股還固原療治進寶爲疏請復姓授定海總兵調興化臺灣定復調臺灣擢福建陸路提督卒贈太子少保謚壯敏

孫思克字謙臣漢軍正白旗人父得功以明游擊降太祖有功附金玉和傳思克其次子也初授王府護衛順治八年管牛皋額貞並授刑部理事官十一年遷甲喇額貞從軍自湖南下貴州雲南轉戰有功康熙二年擢甘肅總兵駐涼州五年厄魯特蒙古徙牧大草灘慰遣之不受命戰於定羌廟敗去揚言將分

道入邊爲寇思克與提督張勇疏請用兵廷議不可輕啟兵釁令嚴防邊境撫恤番人思克乃偕勇修築邊牆首扁都口西水關至嘉峪關止於是厄魯特蒙古入邊牧者皆徙走思克徧視南山諸險隘分兵固禦乃益敕軍紀簡將才汰冗卒覈餉精剔盜蝕城兵安民疆圉敉寧總督盧峻以聞加右都督十三年提督王輔臣以平涼叛應吳三桂臨洮鞏昌皆附蘭州亦陷總督哈占檄思克赴援思克率師道阿壩紅水蘆塘至索橋結筏渡河克靖遠附近諸城堡悉下厄魯特墨爾根台吉乘隙毀隘入爲寇副將陳達陳沒思克乃留參將劉選勝等守靖遠率師還涼州墨爾根台吉引去高臺黃番復入邊爲寇攻圍暖泉順德諸堡思克率師赴甘州黃番亦遠遁乃復渡河而東與勇會師疏言所部兵自草地往來勞苦乞恩加犒賞上特許之思克會勇圍鞏昌時大將軍貝勒洞鄂攻秦州未下三桂遣兵自四川至營南山上勢方張檄思克率二千人自鞏昌赴援壁州西與相持輔臣將陳萬策等詣思克降巴三綱遁走遂克秦州南山寇潰竄思克與將軍佛尼塔等追擊敗之閻關復禮縣復敗之西和奪門入斬

所置吏清水伏羌諸縣皆下復還軍鞏昌遣萬策等入城諭輔臣將陳可等以
鞏昌十七州縣降河東悉定乃會攻平涼思克率師出靜寧擊敗輔臣將李國
樸斬級五百獲裨將三復其城進次華亭輔臣將高鼎率裨將二十八兵千餘
迎降遂至平涼與貝勒洞鄂師會城兵出戰思克徒步督所部當賊戰南山戰
城北八戰輒勝又爲九覆敗賊南郭外賊阻我軍掘壕思克揮兵急擊賊退復
逼者三皆敗去攻涇州白起寨揮兵先登克寨獲輔臣將李茂又敗之甲子裕
敗之馬營子麻布嶺洞鄂上其功十五年圖海代洞鄂督師至城北虎山整度
形勢並偵通固原道賊伏兵萬餘猝起思克急擊之逐北十餘里被巨創輔臣
乞降思克還涼州詔褒思克功擢涼州提督授世職一等阿達哈哈番思克疏
謝因言虎山慘之戰賊斫臣右臂傷筋骨今已成殘疾乞解任回旗溫旨慰留
十六年叙功進三等阿思哈尼哈番噶爾丹爲亂諸蒙古徙入邊擾民思克與
勇遣兵驅之乃去十八年上敕圖海合諸軍下四川定四道進兵思克與將軍
畢力克圖出略陽會京師地震詔內外大臣陳所見思克疏言漢中興安山嶺

經險賊割斷要隘師未能直入綠旗兵不盡強壯馬又多羸瘦滿洲兵亦無多若各路調取又恐地偏番夷秋高馬肥乘機思逞秦地多山土不生秔稻採買麥豆用民負載馱運餽餉維艱諸軍聞京師地震傾壞房屋壓斃人口各有內顧憂不若今秋暫緩出師選強壯飼戰馬俟來春再議進兵上命學士拉隆禮至涼州宣諭詰責思克引罪與畢力克圖率師攻階州進克文成汚諸縣上命思克還涼州尋以總督哈占奏移駐莊浪二十年慶陽民耿飛糾番酋達爾嘉濟農等爲亂犯河州思克與勇遣兵討平之二十二年追論請緩師罪罷提督奪世職仍留總兵二十三年復授甘肅提督二十九年學士達瑚郎中桑格使西域歸至嘉峪關外爲西海阿奇羅卜藏所刦思克遣游擊朱應祥誘質其宰桑達瑚等乃得返又遣副將潘育龍游擊韓成率師討之斬四百餘級阿奇羅卜藏敗走復使詰責西海諸台吉諸台吉懼糾阿奇羅卜藏家償所掠思克疏請免窮治上嘉思克籌畫合宜如其請三十年疏言噶爾丹巢穴距邊三十餘程其從子策妄阿喇布坦在西套住牧雖叔姪爲讐慮其復合侵掠西海道必

經嘉峪關外今設副將威望未尊兵不盈千不足資控禦請設總兵一兵三千以固邊圉甘肅地瘠民貧布種收穫與腹地迥別縱遇豐年輸將國賦僅贍八口並無蓋藏兵馬糧料不敷供支宜於河西要地屯積糧草本地無糧可買輓運又恐勞民請開事例捐納加級紀錄職監俟邊儲稍充即行停止三十一年加太子少保予世職拜他喇布勒哈番疏乞休復慰留加振武將軍三十二年噶爾丹爲亂命內大臣郎岱率禁旅出駐寧夏以恩克爲參贊三十五年上親征大將軍費揚古當西路恩克率師出寧夏與會於翁金上駐蹕克魯倫河噶爾丹遁去費揚古督兵邀擊戰於昭莫多恩克將綠旗兵居中與諸軍并力奮戰大破之遂北三十餘里噶爾丹引數騎走詔褒諭召詣京師命侍衛迎勞御製詩書額以賜入對暢春園賜綏懷堂額及端罩四團龍補服孔雀翎衣冠鞍馬並賚從入京師官兵糧料命駐肅州詞噶爾丹蹤跡三十七年叙功加拖沙喇哈番三十九年以病乞休遣齋往視仍命留任養病尋卒贈太子太保賜祭葬謚襄武襄還京師命皇長子允禔臨奠恩克鎮邊久威惠孚治喪還自甘州

至潼關凡道所經軍民號泣相送上聞狀歎曰使思克平昔居官不善何以得此進世職一等阿思哈尼哈番兼拖沙喇哈番乾隆四年定封一等男三十二年命世襲罔替曾孫慶成自有傳馬進良甘肅西寧人初入伍隸思克軍從攻平涼輔臣拒戰賊研思克手進良聞之曰研我總兵手我必殺之乃入賊陳遂研思克手者殺之身被數創叙功累遷游擊思克請補中軍參將格部議上特允之復再遷授古北口總兵上征噶爾丹命將千五百人從擢直隸提督諭獎飭營伍訓練嚴明中軍參將缺上特授其子龍尋以老乞休卒賜祭葬諡襄毅論曰世稱河西四將以勇爲冠忠勇篤誠識拔裨佐同時至專閫奉指揮維謹高宗許爲古名將允哉良棟進寶轉戰定四川進寶實首功乃抗爽多所忤聖祖力全之始以功名終進寶亦與良棟齟齬不令並下雲南快快稱疾命其子弟將思克請緩歸雖不得與良棟進寶同功仍俾坐鎮皆聖祖馭將之略也思克戰功微不逮而惓惓愛民可謂知本矣

清史稿

列傳四十三

蔡毓榮

哈占

欽定四庫全書

周有德

董衛國

修國正

伊闢

王鼎文

蔡毓榮字仁庵漢軍正白旗人父士英初籍錦州從祖大壽來降授世職甲彙
章京從轉戰有功順治間累遷至右副都御史出爲江西巡撫疏陳兵後荒蕪
請除荒田賦額十萬八千五百四十頃有奇又以瑞袁二府科糧偏重疏請獨
瑞屬浮糧九萬九千餘石定袁屬賦額自一斗六升七八合減至九升三合皆
得請又疏論銅塘封禁山不宜開採咸爲民所頌尋改漕運總督加兵部尙書
以疾告歸十三年卒諡襄敏毓榮其次子也初授佐領兼刑部郎中尋授御史
兼參領邊秘書院學士康熙初授侍郎歷刑吏二部九年授四川湖廣總督駐
荊州累疏言四川民少田荒請廣招開墾招民三百戶予讓敍墾田五年起科
四川衝要營員用沿邊例題補移駐官兵子弟得入籍應試並下部議行十二

年吳三桂反毓榮遣沅州總兵崔世祿率兵入貴州彝陵總兵徐治都永州總兵李芝蘭繼進上命速遣提督桑額守沅州尋授順承郡王勒爾錦爲大將軍率八旗兵討三桂駐荊州諭毓榮督餉十三年分設四川總督命毓榮專督湖廣以招民墾荒功加兵部尙書三桂破沅州世祿降常德澧州長沙岳州相繼陷部議毓榮當奪官命留任尋居父喪命在任守制督綠旗兵進剿毓榮令副將胡士英等分防江口叛將楊來嘉據南漳屢出掠令襄陽總兵劉成龍禦之戰屢勝廣西提督馬雄降三桂騰書兩廣總督金光祖言毓榮將率綠營兵赴岳州降三桂光祖密使告毓榮毓榮以聞請解任命殫心供職母以反間引嫌十四年勒爾錦請增綠旗兵援勦二營領以兩副將命毓榮統轄十七年毓榮督造戰艦成率綠旗兵五千從大將軍貝勒尙善進攻岳州與討逆將軍岳納等以舟八百餘入洞庭湖擊三桂兵大敗之發礮沈其舟殲寇甚衆遣將殲君山載土伐木塞諸港分兵屯三眼橋七里山絕寇轉糧道寇犯我糧艘夾擊復大敗之斬級千餘會三桂死其孫世璠以喪還師克岳州進定長沙衡州十八

年疏言湖南境惟辰州尙爲三桂守楓木嶺神龍岡兩道皆險隘我師疲頓當
小休俟糧草克繼會師進攻上命給事中摩羅郎中伊爾格圖傳諭曰賊敗遁
負險宜用綠旗步兵毓榮所屬官兵強壯不難攻取險隘剿除餘寇其具方略
以聞毓榮疏請專責一人總統諸路綠旗兵水陸並進上卽授毓榮綏遠將軍
賜敕總統綠旗兵總督董衛國周有德提督趙賴等並受節制十九年督兵分
道出楓木嶺辰龍關水師並進克辰州再進克沅州並復渡溪澈浦麻陽諸縣
大將軍貝子彰泰與會師自沅州入貴州境彰泰疏言綠旗兵已與滿洲兵會
若各自調遣慮未能合力奏功上命毓榮軍機關白大將軍尋與衛國督兵克
鎮遠思南世璠將夏國相等以二萬人屯平遠西南山分兵據江西坡坡天險
國相爲象陳我師迫險攻象陳不能克毓榮以紅旗督戰衆奔不可止師敗績
越二日復戰鼓衆奮進國相棄險走遂克貴陽二十年從彰泰下雲南次曲靖
會師進薄會城屯歸化寺奪重關及太平橋世璠將余從龍等出降調知其虛
實趙良棟師至趣進攻毓榮軍大東門世璠自殺城下雲南平毓榮還任湖廣

總督二十一年調雲貴總督累疏區畫善後諸事一曰蠲荒賦雲南陷寇八載按畝加糧廩之鋒鏑地曠丁稀無徵地丁額賦應予蠲除招徠開墾二曰制土夷前此土目世職不過宣慰三桂濫加至將軍總兵初投誠權用僞銜給劄今當改給土職舊爲三桂奪職者察明予襲三曰靖逆逃三桂舊部奉裁征兵散失八旗僕從免脫鼠竄宜厚自首賞重懲窩隱所獲逃人量從末減庶聞風自此歸四曰理財源雲南賦稅不足供兵食地產五金令民開採官總其稅省會及祿豐蒙自大理設鑪鑄錢故明沐氏莊田及入官叛產均令變價以裕錢本仍仍如例納賦兵弁餘丁墾荒起科編入里甲俾賦有餘而餉可節五曰酌安插逆屬嘗隨伍當遣發極邊若僅受僞銜並未助逆宜免遷徙六曰收軍仗私造軍器應坐謀叛論罪土司藏刀槍民以鉛硝硫黃貿易皆嚴禁七曰勸捐輸雲南民鮮蓋藏偶有災祲無從告糴請暫開捐監事例八曰弭野盜魯魁在萬山中初爲新嶍阿蒙土人所據嘯聚爲盜內通新平開化元江易門外接平里孟艮鎮元猛緬三桂授以僞職今雖改授土司仍宜厚集土練分駐隘口防侵軼

爲患九曰敦實政兵後整理撫綏其要在墾荒蕪廣樹薈裕積貯興教化嚴保
甲邇商賈崇節儉獨雜派恤無告止濫差州縣吏卽以此十事爲殿最十日舉
廢墮各府州縣學宮自三桂煽亂悉皆頽壞今宜倡率修復通省稅糧既有成
額官均本折定留運驛站酌加工食俾民間永無派累疏入廷臣議行別疏言
督標舊額兵四千請增千爲五營吳三桂設十鎮今改爲六在迤西者曰鶴麗
曰永順曰楚姚蒙景在迤東者曰開化曰臨元澂江曰曲尋武靖中甸舊轄麗
江土府三桂割界蒙番互市今互市已停蒙番所設喇嘛管官未撤宜令土知
府木克仍歸其地初師自貴州下雲南毓榮劾董衛國不聽調度上命俟事平
再議二十二年部議衛國未嘗違誤且有復鎮遠功請免議上責毓榮妒功誣
奏下部議削五級二十五年授總督倉塲戶部侍郎改兵部領侍衛內大臣侈
國維等疏言侍衛納爾泰自陳前使雲南毓榮令其子琳餽以銀九百內務府
又發緜榮入雲南以三桂女孫爲妾並徇縱逆黨狀下刑部鞫實擬斬籍沒命
免死與琳並戍黑龍江赦還三十八年卒

哈占伊爾根覺羅氏滿洲正藍旗人自官學生授鴻臚寺贊禮郎累遷兵部督捕理事官康熙八年授秘書院學士十一年擢兵部侍郎十二年授陝西總督甫到官吳三桂反四川提督鄭蛟麟總兵吳之茂等叛應之與三桂將王屏藩謀寇陝西上授都統赫業安西將軍會西安將軍瓦爾喀討之命哈占與巡撫杭愛督餉并敕與提督張勇王輔臣修邊備輯軍民十三年復命尙書莫洛經略陝西敕凡事諮哈占乃行哈占以漢中廣元山逕險峻疏請造船略陽糧運尋又命貝勒董額爲定西大將軍護諸將出秦州徇四川寇刦略陽糧艘上命四川總督周有德督川境轉餉哈占疏請令山西協助上以山西道遠多勞費發帑十五萬使在西安採運並諭宜稍增其直俾民樂輸送會輔臣叛莫洛遇害董額以餉不繼自漢中引還西安十四年詔哈占分兵防蘭州哈占疏言西安兵少不宜分遣上命雲貴總督鄂善率師駐興安漢中既又命守延安哈占迭奏請留西安不遣時輔臣據平涼同州游擊李師膺叛戕韓城知縣翟世琪魯神道嶺營卒合蒲城土寇陷延安固原道陳彭定邊副將朱龍皆以城叛

輔臣分兵四出陷旁近諸州縣遂破蘭州巡撫華善走涼州遣將逐賊邠州淳化三水長武漢陰石泉甘泉寶雞諸處戰輒勝董額帥克秦州總兵王進寶亦復蘭州定邊延安皆下上趣董額督兵合攻平涼哈占聞興安游擊王可成叛移潼關綠旗兵守商州移西安滿洲兵守潼關俄聞興安叛兵已破商州舊縣關逼西安疏請敕董額分兵赴援上責哈占曰輔臣初叛朕以蘭州近邊要地令哈占發兵鎮守哈占以西安兵少不遺蘭州遂陷又以延安居要衝命鄂善屯守哈占留之西安延安復陷哈占但知有西安重兵自衛貽誤非小別敕董額急攻平涼仍遣將軍吳丹率師自太原移駐潼關員外郎拉篤祜率榆林蒙古兵益西安十五年大學士圖海代董額爲大將軍圍平涼補臣降哈占疏請安輯降衆設置官吏事皆下部議行十九年將軍趙良棟克成都王進寶克保定未能任轉餉命自略陽水道運綏州尋敕哈占率師赴保寧規復雲南哈占復疏請命四川督餉戶部侍郎趙璟金鼐疏言陝西轉餉入四川四川吏不之

恤道遠民滋困尙書宋德宜言陝西四川宜以一總督董理庶兩省民勞逸得
平乃改設川陝總督以命哈占哈占師次保寧時叛將譚宏彭時亨四出劫掠
營山渠二縣二十年鎮南將軍噶爾漢收忠萬開建始雲陽梁山諸州縣宏走
死孟逐時亨亦復廣安達大竹東鄉諸州縣時亨勢蹙降敕哈占率師赴敍州
會建昌永寧兩路兵進征哈占師發永寧追擊三桂將馬進寶入貴州次畢節
進寶降復進次威寧大將軍貝子彭泰疏言雲南已合圍師足用兵多糧少宜
令哈占還四川哈占復進次曲靖聞命引還尋以破時亨功加兵部尙書銜宏
將卒一乾一舉詣遵義降分駐巴縣涪州哈占疏請移陝西懦者歸農強者入
伍上從之二十二年授兵部尙書二十四年調禮部以疾乞休上疏自述在軍
時積勞成病上以哈占未嘗立功斥其妄命仍殫力供職自贖二十五年卒杭
愛章佳氏滿洲鑲白旗人父古爾嘉璉順治初爲國子監祭酒杭愛初授筆帖
式累遷吏部郎中康熙十一年超授山西布政使諭曰朕知汝才能外省事重

藩司職掌最要其克盡忠誠母負簡任十二年擢陝西巡撫軍興命督餉十九年調四川叛將譚宏據萬縣爲亂命杭愛慰撫夔州諸路二十年建昌土司安泰寧謀亂敕與將軍王進寶招之來降哈占師進次永寧命杭愛督趣輸運自三桂亂四川悉陷民多流亡兵占耕民田不納賦杭愛疏請清釐又乞蠲羅森妄報墾荒升科田四百餘畝上特允之二十二年卒謚勤襄鄂善納喇氏滿洲鑲黃旗人初自侍衛授秘書院學士遷副都御史康熙九年授陝西巡撫十一年擢山西陝西總督尋改專督陝西十二年調雲南以哈古代三桂反詔鄂善留湖廣十三年改兼督雲貴命從師進征三桂陷湖南郡縣吏議鐫五級命留任王輔臣叛命與副都統穆舒渾率師自襄陽移守興安漢中十四年次西安哈占疏留助守上復命移守榆林延安哈占再疏留不遣及畢力克圖擊輔臣復延安鄂善乃遵上指移駐招撫流民分守棧道寇來犯擊之退授甘肅巡撫十七年坐失察布政使伊圖蝕帑清水知縣佟國佐苛斂部議當奪官命留任十八年以計典罷尋卒華善亦伊爾根覺羅氏滿洲鑲黃旗人初授筆帖式累

遷刑部郎中順治十三年從大將軍伊爾德克舟山累進世職拜他喇布勒哈番兼拖沙喇哈番康熙初累遷宏文院學士九年授甘肅巡撫疏請免逃荒額賦西和禮縣大疫華善發帑治賑并以春耕期迫令市耕牛具籽種事竟乃疏聞部議以違例當責償上命寬之輔臣反攻蘭州游擊董正已叛應之布政使成額降寇華善與按察使伊圖走永昌疏請假提督張勇便宜討輔臣與勇及王進寶陳福孫思克分道進兵規復蘭州華善與勇督兵赴臨洮遣將收河洮二州復督兵攻鞏昌克之會進寶亦克蘭州諭嘉勞十五年疏請免臨洮鞏昌二府逋賦尋卒於官

董衡國漢軍正白旗人初授佐領累官秘書院學士順治十八年擢江西巡撫康熙四年加工部尙書銜十三年改兵部尙書銜三桂反陷長沙衛國疏請發兵備袁州吉安上命副都統根特自兗州移兵赴援耿精忠亦反侵寧都廣昌南豐諸府縣饒州參將程鳳廣信參將柯昇叛應之捕土寇破都昌窺南康衛國密疏聞上命定南將軍希爾根會衛國勦禦精忠兵逼袁州山民棚居與相

結謂之棚寇衛國請設袁臨總兵薦副將趙應奎有膽略堪任上從之南瑞總
兵楊富謀叛衛國廉得質寘之法並殲其黨上嘉之尋改設江西總督以命衛
國精忠兵及棚寇分犯新昌上高衛國遣諸將佟國棟趙登舉張射光赴援大
破賊斬其渠左宗榜十四年與希爾根等招降泰和龍泉永新廬陵諸縣參贊
桑額自上高克新昌被檄引去寇抵隙復入城並陷遣其徒退廣信糧道衛國
請督兵進剿大將軍簡親王喇布駐師南昌疏留之十五年遣諸將吳友明逐
寇瑞州復上高新昌復遣援靖安諸將許盛楊以松克泰和定南十六年以土
寇楊玉泰竊據宜黃樂安崇仁山谷中發兵討之崇仁寇蔡仕伯宜黃寇沈鳳
祥等出降破賊於大嶺克樂安玉泰亦降湖南平江及銅鼓營寇起衛國留提
督趙賴守樂安移兵入湖南簡親王檄發衛國標下兵悉赴樂安衛國疏聞且
言省城駐滿洲兵不過二百虛不足守禦乞賜罷斥上嚴旨諭簡親王並諭此
後徵發當諸衛國衛國遣兵徇建昌定溫溪自將出芳塘別遣諸將出黃岡口
遂克銅鼓營平江乃定未幾精忠將韓大任侵甯都時簡親王出駐吉安衛國

謂與會師合勦上命綠營兵聽便宜調遣十七年巡撫佟國正遣將破大任精忠將郭應輔等分屯萬安泰和諸縣衛國督兵進擊斬四萬餘降者亦四萬六千有奇吳三桂犯永興薄吉安上命衛國守銅鼓營三桂既死其將據岳州長沙師圍之未下衛國請自銅鼓營督兵援勦上嘉許並授以方略未幾岳州長沙皆下十八年命會大將軍安親王岳樂謀進取遂合軍出衡州寶慶破賊紫陽河雙井鋪克武岡給事中李宗孔劾衛國爲總督不治事失民心廷議奪官上寬之十九年破鴨婆黃茅諸隘攻靖州與都統穆占會師遂吳世璠將吳應麟等克沅州進薄鎮遠力戰奪石港口抵大巖門世璠將張足法悉衆迎戰衛國親督兵奮擊大破之足法夜遁逐之至油關而還遂克鎮遠貴州既定大將軍貝子彭泰下雲南留衛國守貴陽二十年雲南平命還任二十一年調湖廣總督衛國初自湖南入貴州蔡毓榮以不聽調度論劾事平下廷議上右衛國謹毓榮御史蔣伊又論衛國縱兵俘掠江西總督于成龍爲疏辦衛國朝京師瀕行諭曰爾在外二十餘年民情宜悉知前此方用兵不免擾民今天下承

平當思休養興革利病務在實行朕知爾有勞母畏人言勉圖後效月餘卒賜
祭葬佟國正佟佳氏漢軍正黃旗人自拔貢生授江南無爲知州累遷安徽按
察使十三年遷江西布政使衛國改總督白色純代爲巡撫十四年色純卒大
將軍安親王岳樂奏國正得民心擢巡撫十五年命出駐贛州叛將嚴自明等
逼南康國正遣許盛等赴援破賊庫鎮鋪破其壘十七遂北七十餘里自明等
走南安又遣別將黃士標王割耳等犯信豐國正遣楊以松及諸將周球等分
三道擊之士標等走南雄盛進克上猶球進克龍泉國正聞師定潭州遣球及
諸將劉體君等出間道援勦十六年破賊五里排會昌瑞金崇義以次下韓大
任自甯都敗竄萬安國正遣兵四出斷道并絕糧運令以松等追擊戰鷺藪寨
戰老虎洞屢敗之大任走汀州降江西平敍功累進兵部尙書銜十八年左副
都御史楊雍建疏論國正蒞任數載治蹟無聞京察循例自陳降二級調用四
十七年卒於家

周有德字彝初漢軍鑲紅旗人順治二年自貢生授弘文院編修五年從英親

王阿濟格討叛將姜瓖還遷侍讀康熙元年遷國史院侍讀學士尋擢弘文院
學士二年授山東巡撫三年以獲逃人加工部侍郎銜迭疏請寬登萊青三府
海禁俾居民得捕魚資生請以歷城明季藩府地視民田科賦請復孤貧口糧
請以德州駐防兵舊給民地五百餘頃仍還之民駐防兵視陝西浙江例支月
糧請蠲逋賦六十餘萬鑿察出逃亡荒蕪虛增田額戶口凡四十萬有奇悉予
免除四年濟南兗州東昌青州四府旱災請加賑恤登州萊州二府歉收請免
本年額賦皆下部議行六年擢兩廣總督七年上遣都統特錦等會勘廣東沿
海邊界設兵防汎俾民復業有德疏言界外民苦失業聞許仍歸舊地踴躍歡
呼第海濱遼闊使待勘界既明始議安插尙需時日窮民迫不及待請令州縣
官按遷戶版籍給還故業得旨允行是冬遭父喪平南王尙可喜疏言沿海兵
民方賴經營安輯請命在任守制凡三年而事定九年疏請還京師治喪許之
十年旱求言編修陳志紀疏言上憂勤惕厲而嘗爲督撫諸大臣方營第宅蓄
倡優近在輦轂下不守法度何以責遠方大吏廉節上命指實覆疏舉郎廷佐

張長庚苗澄祖澤溥張朝璘許世昌并及有德下部嚴察有德坐居喪營造又於志紀覆疏未入時屬託母及其名奪官追繳詰命吳三桂反十三年起授四川總督三桂將吳之茂彭時亨等犯廣元有德與副都統科爾寬分道擊敗之陳軒裨將徐應昌等上命經略尙書莫洛自陝西入四川敕有德與巡撫張德地固守廣元諸路並督軍餽三桂將何德成等自昭化攻二郎關謀奪我師儲峙有德遣兵擊德成走還昭化復犯廣元有德與科爾寬等復擊敗之逐北三十餘里時亨屯七盤朝天諸關劫略陽糧艘廣元餽不給寇窺陽平將軍席卜臣屯蟠龍山爲所刦斷我師餽道上命有德固守陽平諸路王輔臣叛十四年上命大將軍貝勒董額討之以有德參贊軍務命督諸軍協擊董額克秦州有德乞還詰命吏部持非例上特許之十五年從大將軍大學士圖海攻平涼輔臣降圖海疏令有德還駐西安之茂等尙駐秦嶺十七年與副都統覺和託督兵擊之降其裨將王世祐等十八年調雲貴總督帥克漢中上諭責有德德地等前駐廣元督餉遲誤致數年來逆賊逋誅兵民苦累今大兵前進督撫諸臣

有謀飼運以軍法從事王大臣議帥自湖廣進征雲貴綠旗兵當有統帥以湖廣總督蔡毓榮及有德名上上以命毓榮令有德受節制有德尋疾作留駐常德十九年卒張德地初名劉格漢軍鎮藍旗人初以通曉國書在戶部學習順治九年授宗人府主事累遷戶部督捕理事官康熙元年擢順天府尹二年授四川巡撫疏言四川自張獻忠亂後地曠人稀請招民承鑿文武吏招民百戶墾田十頃以上予遷轉下部議行累加工部尙書銜十年武生劉瑄等訐德地主武鄉試得賄鬻武舉遺副都御史阿範等按治德地坐斬命免死奪官德地叩閣稱枉下部覆議以事無據復官十三年復授四川巡撫時亨犯廣元德地與有德督兵禦之十四年王輔臣叛命協守西安尋又命出駐延安廣元之役有德劾德地棄城走奪官二十二年卒

伊闢字虛源山東新城人順治五年舉鄉試第一十二年成進士改庶吉士十三年授御史十四年巡按山西捕長治亂民勒化龍窮治其黨與十六年還掌京畿道撫通政司參議累遷大理寺卿康熙十九年授雲南巡撫時吳世璠未

平師自廣西貴州四川分道入關督餉聞會城未下同知劉崑不屈於三桂爲所繫至是始脫出關從諸策崑曰公用人寬降人予原職今安甯晉寧昆陽呈貢諸縣令悉降人昆池舟楫往來無禁豈有父兄被圍而子弟不爲轉輸者關爲罷諸降人寇餉漸斷師久次慮餉不繼關疏請貴州廣西二路協濟銀米上以二路道險山多轉運不便遣戶部郎中明額禮薩木哈詣軍酌議採買軍中或議取食民間布政使王繼文持不可曰見糧支三日昆陽宜良寇遣糧方具資屯役運詣軍前兩廣隨軍餉銀十萬在曲靖當請於總督金光祖乞相假過三日餉不繼請正繼文軍法聞言於大將軍貝子彭泰用其議不三日銀粟皆至民以得安餉亦無闕關疏言雲南地處天末當得重臣彈壓元鎮以親王明則黔國公任留守王師計日蕩平臣自鎮遠至雲南途次聞士民語僉謂大將軍貝子彭泰內大臣額駙華善所過不擾請特簡一人鎮守章下所司關旋病作遺疏薦繼文自代卒賜祭葬繼文字在燕漢軍餉黃旗人自官學生授弘文院編修遷兵部督捕副理事官順治十二年考選御史巡按陝西初受事即疏

勑布政使黃紀興屯道白士麟貪汙不法奪官逮治十四年還京師都察院列上繼文在官勑文武吏四十餘督開荒田七千頃有奇招徠流移民五千八百餘察出虛冒錢糧七千七百有奇實心任事尤爲稱職遷戶部郎中十八年授江西饒九南道康熙三年調浙江甯紹台道六年缺裁十三年師討吳三桂命以候補道從左都御史多諾等如荊州督餉用繼文策度地建倉分餽東西二路軍及水師旋授雲南布政使從師進征二十年代闢爲巡撫佐將軍趙良棟攻克會城雲南遂定二十一年與總督蔡毓榮疏言會城東南舊有金汁河引盤龍江水入昆明池舊存堵閘油洞積水溉田世璠毀爲塘壩令官吏捐資修治下部議捐銀百紀錄一次二十五年以憂歸二十八年復授巡撫疏言黑井鹽課三桂月增課銀二千兩請豁除屯田科賦十倍於民田重爲民累請分別改視民田起科三十年疏言土司奏銷遲誤例無處分請比照流官計俸罰米移貯附近常平倉備荒賑皆議行三十三年擢雲貴總督三十七年討平魯魁山寇釐定汛界駐兵防守又疏議收水西宣慰使地改屬大定平遠黔西二州

流官管轄均如所請是歲冬朝京師以老病乞致仕尋命修理子牙河工賜御書榜曰煙霞耆舊四十年加兵部尙書銜四十二年卒賜祭葬子用霖官山東布政使

論曰毓榮統綠旗兵下雲南廉清不逮趙良棟戰績與相亞哈占鎮陝西衛國定江西有德略四川督餉治軍其於戡亂皆與有功雲南既下撫綏安集之績毓榮開之繼文成之自是西南遂底於平矣

清史稿

列傳四十四

趙國祚

徐治都

湖廣英

趙應奎

趙相

陳世凱

許占魁

唐希順

李靖

李芳述

許貞

周靖

趙國祚漢軍鑲紅旗人父一鶴太祖時來歸天聰間授三等甲喇章京國祚其次子也初授牛彙額員屯田義州從征黑龍江取前屯衛中後所順治初從征江南克揚州嘉興江陰皆有功世職自牛簡前程累進二等阿達哈哈番歷官自甲喇額員累遷鑲白旗漢軍固山額員十三年加平南將軍駐師溫州十五年授浙江總督鄭成功犯溫州國祚督兵擊卻之得舟九十餘成功又犯甯波副都統夏景梅總兵常進功等督兵擊卻之奏捷上以成功自引退疏語鋪張飭母蹈明末行間陋習罔上冒功成功旋大舉犯江南督兵防禦事定部議國祚等玩寇當奪官詔改罰俸國祚督浙江四年頗盡心民事歲饑米値昂發帑

平羅並移檄隣省母遇羅民以是德之十八年調山東復調山西康熙元年甄別各直省督撫國祚以功不掩過解任吳三桂反十三年起國祚江西提督駐九江三桂兵入江西境命移駐南昌耿精忠應三桂亦遣兵犯江西陷廣信建昌國祚與將軍希爾根哈爾哈齊督兵赴援精忠將易明白建昌以萬餘人迎戰帥分道縱擊破賊逐北七十餘里克撫州明復以萬餘人來攻國祚與前鋒統領沙納哈署護軍統領瓦岱等奮擊破之斬四千餘級十四年大將軍安親王岳樂請以國祚隨征報可十五年帥進攻長沙三桂兵來犯國祚擊之敗走尋命移駐茶陵十八年長沙下從安親王攻寶慶世璠將吳國貴據武岡國祚與建義將軍林興珠督兵力戰破殲國貴克武岡國祚以創發乞休二十七年卒年八十賜祭謚謚敏壯子玥襲職自廣東駐防協領累遷至正紅旗漢軍都統

許貞字盡臣福建海澄人初爲鄭氏將康熙三年率所部至漳州降授左都督駐九江尋移贛縣以荒地界降兵屯墾號屯墾都督十三年耿精忠反遣其將

賈振魯曾若干犯贛州陷石城圍甯都廣信建昌諸山寇應之州縣多殘破貞
選所部得健卒四百會游擊周球赴援敗賊於黃地斬級千餘獲甲輜砲械無
算遂解甯都圍復石城未幾賊犯興國貞馳剿多斬獲進攻雩都瑞金戰天華
山李芬江長樂里屢破賊克橋頭五仙白奇田產江頭上龍寶石諸寨降賊萬
餘出難民三萬有奇巡撫白色純上其功詔嘉許加太子少保總督董衡國請
增置撫建廣總兵駐建昌卽以命貞貞督兵復宜黃崇仁樂安諸縣精忠使誘
貞貞不發書械其使以聞予世職拖沙喇哈番時大將軍安親王岳樂駐建昌
精忠遣其將耿繼善楊玉太李懋珠等分屯城外麻姑二聖諸山岳樂憂之貞
曰賊雖多易與請先破一砦卽夕馳攻蕭家坪破一砦岳樂乃督兵自吉安進
攻長沙留滿洲兵五百俾貞守建昌貞所部僅二千賊調守兵寡攻城分屯城
東南從姑山貞自將銳卒攻之直上破壁賊引卻麻姑山最峻賊數萬人屯其
上環山立寨貞休兵數月時就山麓操演賊易之不爲備十五年春水發溪澗
皆可舟賊寨隔水爲浮橋相屬貞復引兵操山麓出不意督兵直上突賊壘別

將舟載薪焚浮橋一日破六十餘砦斬其將揭重信等其衆殲焉繼善屯二聖山餘衆分屯沙坪紅門梓木嶺貞復休兵數月當署督兵出攻內薄陟崖大破賊繼善乘砦走入杉關師從之進克金谿南豐復進克廣昌攻瀘溪瀘溪在萬山中精忠將楊益茂林鎮等以四萬人守隘爲之柵貞督兵陟嶺援柵以上焚其壘遂克瀘溪懋珠寇南豐貢赴援擊賊楊梅巖斬其將王大耀等進克新城十六年懋珠玉太走入樂安副都統尼滿提督趙賴與貞會師進攻貞出西路擊賊白石嶺復樂安玉太以六千人來降韓大任自吉安走入樂安貞督兵擊之遇於跌水嶺一日與八戰走甯都立木城都湖壘而守圍之兩月大任出走敗之永豐又敗之黃塘老虎峒衆死亡略盡走福建詣康親王軍前降十七年逐賊廣昌破篠弔楓樹二寨二寨地絕峻貞駐師永安山與相對發火器遙擊焚其寨乃破之敍功進世職拜他喇布勒哈番擢撫建廣饒吉南六府提督廣信土賊江機楊一豹以數萬人屯江濱山倚險立木城四出剽掠貞與總督董衡國分兵進攻迭克要隘賊退入雞公山猴子嶺復襲破之斬萬六千餘級一

豹走洪山十八年貞復督兵自弋陽雙港進攻屢挫賊斬一豹弟一虎及其衆二千四百有奇機一豹俱竄走命貞提督江西全省軍務十九年逐賊入江許山貞詒賊謀夜刦營令築壘兵露刃立垣下別將伏林中賊至見垣內刃如林驚走伏發大破之一豹機亦走福建降二十一年自陳乞罷詔慰留尋調廣東提督朝京師上褒勞備至加拖沙喇哈番貞蒞粵十四年造哨船設塘汛晝夜巡邏盜賊屏迹三十四年卒贈少傅賜祭葬貞和易謙抑不伐馭軍嚴整戒所部毋淫掠收城邑他將議攻山砦貞曰寇亂方烈民結寨自保非盡盜也止勿攻全活甚衆江西民甚德之周球字季珍江南來安人順治十二年武進士授廣州衛守備署南贛營都司管游擊事石城陷總兵劉進寶遣球赴援與貞合兵擊賊甯都民避亂紅石堆洞賊積薪洞口將舉火焚之球兵至賊走民以得全既克石城復與貞援興國球破南安土寇克崇義上猶境中諸寨除游擊復與游擊李天柱援會昌破賊十四年叛將陳昇引精忠將郭應輔等陷龍泉球與天柱破黃土關克龍泉逐賊昇自林中出誘戰伏起球督兵奮擊大破之攻

九安日陟自險徑礮痘界十五年贛州增城守兵球授參將管副將事被巡撫
佟國正檄授信豐破黃士標王割耳等十六年援會昌戰五里排語詳國正傳
敍功加都督僉事復從貞擊破韓大任大任既降球與游擊唐光耀督護降卒
至福州復被大將軍簡親王喇布檄以二千人從征湖南守安仁援永興立營
雞公山屢破賊加右都督十八年擢太原總兵進左都督調漢中再調真定二
十二年卒贈太子少保賜祭葬

徐治都漢軍正白旗人父大貴事太宗授牛錄員兼工部理事官師攻錦州
戰松山杏山克塔山取中後所前屯衛皆在行間順治間從征太原自河南徇
江南累遷刑部侍郎兼梅勒額員駐防杭州領左翼徇福建攻海澄還定舟山
累功授世職三等阿思哈尼哈番加太子少保卒諡勤果賜祭葬治都初授佐
領兼參領康熙七年擢直隸天津總兵八年調湖廣彝陵吳三桂反十三年陷
沅州治都率師赴援時四川文武吏附三桂叛將楊來嘉劉之復應之治都妻
許聞鄰境兵民皆從逆權以治都令約束將弁撫慰士卒並脫簪珥勞軍會上

命治都還守彝陵來嘉之復以舟師來攻治都督兵水陸防禦擊卻之來嘉據南漳分路出犯治都與襄陽總兵劉成龍會師合擊所斬殺過半殺功加左都督十五年來嘉復以舟師來攻治都循江堵截總兵解灝江寇舟逼解妻許督兵與戰中敵死總督蔡毓榮提督桑額疏聞具述治都忠奮不顧家狀十八年擢提督以胡世英代爲總兵賊將王鳳岐據巫山上命治都戒備治都練水師修五板船百令世英領之而與成龍督兵出歸州興安巴東扼形勢相機進剿十九年師次巫山來嘉鳳岐以萬餘人拒守師奪隘賊突出治都揮刀力戰來嘉棄馬越山走擒鳳岐斬三千餘級克巫山進向夔州夔州賊將劉之衡瞿洪陞以城降叛將譚洪遣其子天祕族人地管地升詣軍前請降繳敕印上命治都還守彝陵洪復叛陷瀘敍二州治都與鎮安將軍噶爾漢督兵溯江上分軍爲三隊擊賊進克下關城二十年進向雲陽屢敗賊時洪已死天祕走萬縣治都復進復梁山忠州敍功進四級二十七年湖廣督標裁兵夏逢龍作亂據武昌治都督兵赴剿至應城與賊遇力戰卻之遂駐師應城賊萬餘環攻治都分

兵內外夾擊賊大潰奔德安逢龍乘北風聯巨艦二十順流下見治都水師嚴整不敢攻乃登龍川磯攻陸師治都督兵迎擊晝夜屢戰斬殺殆盡逢龍合餘衆泊鯉魚潦治都令諸將鄭興楊明錦防賊登陸而自將水師循江發火器焚賊舟逢龍再攻陸師復戰卻之斬七百餘級餘多赴水死其將胡耀乾等以武昌降逢龍走黃州振武將軍瓦岱督八旗兵至黃岡諸生宜畏生擒逢龍以獻磔於市亂乃定捷聞賜孔雀翎予世職施沙喇哈番治都師未還桃源土寇萬人傑爲亂治都妻孔督兵剿平之三十二年朝京師賚御用冠服三十三年詔嘉治都功用孫思克施琅例授鎮平將軍仍領提督事三十六年卒贈太子少保諡襄毅賜祭葬治都在湖廣十八年整飭軍紀民感其惠爲立祠以祀胡世英字汝迪安徽歙縣人初從福建總督李率泰軍累功至參將康熙元年遷湖廣督標中軍副將十二年擢副總兵守荊州吳三桂反總督蔡毓榮檄爲中軍師集圍合賊援至衝我師斷爲二世英張左右翼略陳度師已畢濟乃分騎隊十四年大將軍順承郡王勒爾錦自荊州渡江擊三桂世英以四百人爲前鋒

逆戰人持二炬賊驚不敢逼徐引還十六年常澧諸郡饑三桂將吳應麒屯岳
州糴倉穀以爲利世英密令人市焉自勒爾錦乘賊饑督兵水陸並進世英爲
前鋒槥小舟直抵巴陵溯風而戰偏岸且近世英呼而登曰得城陵礮矣師畢
登破賊壘十八年應麒走城民迎師入勒爾錦請設隨征四鎮世英授後路總
兵尋調彝陵十九年從治都克巫山擒鳳岐進取重慶以病還彝陵未幾卒
唐希順甘肅武威人自行伍補涼州鎮標把總康熙十三年王輔臣叛希順從
總兵孫思克進剿河東轉戰有功十五年從圍平涼破賊虎山塹希順奮勇爭
先手足被傷敍功予參將銜管提標千總尋遷守備偕參將康調元攻復階州
文縣十九年勇略將軍趙良棟征四川調希順從軍遷四川川北鎮標遊擊時
吳世璠將胡國柱等踞關山大梁嶺良棟軍由雅州進剿復榮經賊退入箐口
驛分兵扼周公橋黃泥鋪諸隘結五營守險希順從總兵李芳述及調元等進
攻土地橋連破其壘抵橋口選步兵千由間道穿山箐自山頂下攻會橋口兵
夾擊賊潰遁乘夜追襲次日復敗賊於黎州克其城追至大渡河奪渡口三遂

復建昌其冬從良棟自金沙江下雲南敗賊於玉皇閣三市街二十四年敍功
予左都督銜累遷臺灣水師副將三十二年擢貴州威寧鎮總兵三十五年聖
祖親征噶爾丹命希順隸西路進剿自貴州率親丁百馳抵寧夏大軍已出塞
希順兼程進與孫思克軍會破噶爾丹於昭莫多敍功予世職拖沙喇哈番擢
四川提督疏言川省幅員遼闊蠻苗雜處水陸交錯提標三營請視各省提標
例營設兵八百川省額兵三萬六千臣清釐積弊兵額充足即於原額內酌量
營汛緩急抽調提標兵雖他移餉仍其舊標下將備等官材技優長弓馬娴熟
又諸蜀中地利請如松潘疊溪等營保題事例擇員題補允之打箭鎗舊屬內
地上以西藏番部噶茶許西藏營官在打箭鎗管理土伯特貿易事三十九年
營官噶巴昌側集烈爲亂侵據河東烏泥若泥嵐州善慶擦道諸處戕明正長
河西土司蛇蜡喳吧總督錫勒達奏請移化林營參將李麟督兵捕治賊復攻
圍烹壩冷竹關希順檄各路兵赴化林密疏聞上命侍郎滿不統荊州滿洲兵
進剿並認希順相機行事蠻兵五千餘立營十四在磨西面及磨岡等處希順

雪夜渡瀘水分兵三路進攻一自子牛攻哪叱頂一自烹瑣攻大岡一自督兵出咱威攻磨西面及磨岡別遣兵自頭道水登山馳下夾攻戰五日各路俱捷殲蠻兵五千餘斬喋巴昌側集烈遂復打箭鑪喇嘛番民俱降尋抵木鴉番目錯王端柱等繳敕印歸附喇嘛番民萬二千餘戶捷聞詔嘉獎尋疏陳善後事並允行未幾以病乞休命解任調理四十七年卒予祭葬如制子際盛襲職入籍四川李麟陝西咸陽人自行伍從勇略將軍趙良棟下雲南敘功以都司僉書用康熙三十五年從振武將軍孫思克擊噶爾丹於昭莫多大敗之累遷四川化林營參將三十九年昌側集烈作亂麟奉檄移兵渡瀘招安咱威子牛烹瑞魁梧四處尋提督唐希順令麟順瀘水至哦可出磨西面後來攻磨岡麟軍夜迷失道比明反出磨西面前遂攻蠻營奪磨西面打箭鑪平希順追劾麟避險就易駐咱威致失烹瑞又進兵迷道誤軍機詔總督錫勒達及滿不等訊鞫以有功免治罪累擢登州總兵五十七年策妄阿喇布坦擾西藏命麟還精兵百自審夏赴軍前五十九年詔都統延信爲平逆將軍率兵進藏以麟參贊軍

務尋令護送第六世達賴喇嘛進藏至沙克河賊乘夜襲營擊敗之連敗賊於齊諾郭勒綽瑪喇等處西藏平麟率兵自拉里凱旋六十年授陝西固原提督雍正元年遷鑾儀使追敍平藏功加右都督予世職拖沙喇哈番以老致仕尋

卒

趙應奎河南商邱人少入伍從恭順王孔有德征湖南廣西俱有功累遷至湖廣施南副將康熙十三年吳三桂陷長沙調應奎爲江西袁州副將袁州地逼長沙又有棚寇與三桂兵勾連應奎以所部兵力弱斥貲增募并家丁助戰擒斬賊渠朱益吾等尋自慘化進剿黃塘楚山上栗市屢敗賊總督董衛國請設袁臨鎮即以應奎爲總兵官三桂遣賊犯袁州應奎力守未幾其將朱君聘等以數萬人自萍鄉來犯應奎敗之西村斬萬五千餘級分兵趨萬載斬其將邱以祥等復其城三桂使誘降應奎令子衍慶呈部部議加應奎左都督衍慶署都司僉書尋降敕嘉其忠蓋予世職拜他喇布勒哈番十四年遣游擊楊正元剿棚賊於分宜新喻擒斬甚衆盡燬其巢三桂將揭玉卿犯萬載遣游擊陳素

綸等敗之斬級千餘又敗之於白良三桂將黃立卿復以三桂書誘降應奎令子衍祥呈部部議加應奎軍功一等衍祥授鴻臚寺少卿十五年遣游擊李顯宗等逐三桂兵至仙居橋沙溪湖塘皆敗之三桂兵復結瀏陽諸寇陷萬載應奎進勦賊截龍河渡口夾岸迎拒應奎督兵渡河先斬守口賊直入其營賊大潰追斬無算復萬載詔嘉獎尋授三等阿達哈哈番十七年上以江西已定命應奎統本標官兵移鎮茶陵攸縣疏言自三桂反袁州密邇湖南臣率孤軍征剿上游幸獲安全但彼時兵力苦單漕運亦匱臣捐貲贍養親兵或自備馬匹或獎以虛銜嗣戶部侍郎溫岱奏見臣督親丁防禦蒙恩給臣所養健丁千人步戰兵餉令臣量爲設官管轄惟兵丁既叨餉餉而所設管轄官未議質授今臣移駐茶攸僅率標兵二千六百見奉征南將軍穆占定南將軍華善調往酃縣千四百人健丁一營隨臣左右仰冀天恩各予實銜開支實俸詔從之未幾賊犯永興敗之十八年從大將軍簡親王喇布復祁陽新寧大將軍安親王岳樂檄勦賊武岡州楓木嶺敗三桂將胡國柱等尋借貴州提督趙賴攻克龍頭

山泡洞口瓦屋塘雲霧嶺五子坡諸寨三桂將馬寶敗遁追擊之復會同黔陽等縣未幾建義將軍馬承樞以柳州叛從簡親王率兵討之承樞降二十一年命以提督充廣西左江鎮總兵敍功進二等阿達哈哈番疏言臣昔任思南副將深知左江爲滇黔門戶接壤交南環以猶猛土司不時反覆鎮標額設四營共兵三千有餘多從逆歸命者習成驕悍臣標健丁一營半係親屬久經訓練請率赴新任以資鈐壓從之未幾以病累疏乞休詔輒慰留命衍祥馳驛歸省應至卒贈太子少保謚襄壯趙賴漢軍正藍旗人父夢彩事太宗以監修福陵授世職二等阿達哈哈番賴襲職從謙郡王瓦克達征叛將妻瓊以功進一等并兼拖沙喇哈番擢正藍旗漢軍副都統康熙十三年從大將軍順承郡王勒爾錦討吳三桂擢貴州提督統兵駐九江調江西韓大任陷吉安賴率兵擊敗之復調湖南從簡親王喇布剿賊衡山復衡州府迭克永陽祁陽等縣敗三桂將吳國貴等復武岡十九年從大將軍貝子彭泰將軍蔡毓榮進攻貴州迭克賊寨敗馬寶於洪江復黔陽旋自沅州趨衡遠復黎平銅仁思州思南等府偕

將軍穆占敗三桂將高啟隆夏國相等復平遠府大軍進征雲南詔賴留鎮貴州擢正藍旗漢軍都統以老乞休三十一年卒

李芳述四川合州人初入伍隸貴州大定總兵劉之復標下勦水西土司安坤有功授千總康熙十三年吳三桂反之復從逆晉芳述往湖北據彝陵巴東關降芳述脫走留四川其妻子在大定越五年乃得取妻子至敍州吳世璠加芳述僞總兵令自巫山襲郎襄芳述留重慶十九年勇略將軍趙良棟進取成都芳述遣人赴軍前呈檄僞劄率重慶瀘州敍州所屬州縣文武吏降良棟令芳述撫永寧卽移軍駐守修繕城垣甫竣事世璠將毛友貴等以數萬人來犯芳述迎擊賊卻走尋以悍卒數千逼城夜樹雲梯攀堞芳述督兵鏖戰斃賊千餘斬友貴於陣世璠將胡國柱王邦圖等以顯武將軍印招芳述芳述封送良棟良棟以聞詔授隨征總兵未幾賊陷仁懷合江芳述移兵守敍州擒賊謀斬以徇賊來犯芳述壁城外真武翠屏諸山賊不得逞潛退馬湖謀出木川犍爲襲成都芳述諭知之先率兵至犍爲扼其衝大破賊踴擊至新增黃茅岡斬殺過

半降其將夏昇羅應甲等拔被掠民二千有奇掘西寧總兵官仍從征雲南二十年良棟令爲前鋒自洪雅榮經二縣出大象嶺之左敗賊關山時國柱踞建昌聞關山大象嶺俱失棄建昌走雲南芳述渡金沙江會良棟軍取雲南奪得勝橋拔其東西二營遂克雲南三十一年遷貴州提督四十年雲南總督巴錫疏劾游擊高鑑語連芳述徇隱芳述亦疏訐巴錫上遣侍郎溫達往諫芳述應奪俸免之四十二年湖南鎮筸紅苗作亂芳述移兵會剿深入苗地平稻塘山及葫蘆天星諸寨疏言貴州苗民雜處控制尤在得人保題武職請以久任苗地熟悉風土者揀選題補詔允行四十五年詔獎芳述久鎮邊境馭軍有法兒今舊將罕與比倫特加太子少保授鎮遠將軍四十七年卒贈太子少傅謚壯

敏賜祭塋

陳世凱字贊伯湖廣恩施人初附明桂王爲忠州副總兵順治十六年川陝總督李國英駐師重慶世凱來降授副將銜康熙十年李自成餘黨劉一虎等以數萬人犯巫山世凱擊卻之尋從國英進剿以功加總兵銜十一年授杭州副

將十三年耿精忠反浙江總督李之芳駐師衢州令世凱援金華甫渡江聞寇犯龍游即遣兵馳擊通衢州餉道既至金華精忠將閻標自永康武義來犯世凱與副都統沃申禦之發砲擊賊既復與總兵李榮逐賊湯溪分兵出賊後而自當其前獲所置監軍道徐福龍等精忠將陳重自東陽葉鍾自浦江先後來犯與副都統瑪哈達石調聲督兵擊之敗走援義烏破精忠將周彪殺功授溫州總兵加都督僉事精忠將徐尙朝以數萬人逼金華世凱出城南十二里與戰寇甫集大呼陷陳寇潰奔逐北十餘里殺傷過半尙朝與精忠將馮公輔合得五萬人據積道山立木城石壁世凱乘大霧進兵破木城斬級萬餘尙朝敗走大將軍康親王傑書師進次金華令世凱及瑪哈達榮規處州十四年世凱復永康進攻縉雲擊破尙朝兵克之精忠將沙有祥守處州望桃花嶺拒守世凱等帥三道入奪嶺有祥走克處州尙朝來犯三戰破賊獲其裨將斬八百餘級移師徇松陽從貝子傅喇塔攻溫州十五年精忠將曾養性及叛將祖宏勳以四萬餘人拒我師世凱與提督段應舉奮擊獲其裨將詔傅喇塔進征福建

世凱以所部從擊養性得勝山破其壘寇舟屯江山督兵擊之師行乃無阻復
雲和泰順諸縣精忠降世凱還鎮溫州十六年加左都督子世職拖沙喇哈番
屢招降鄭錦將陳彬劉天福等二十二年進拜他喇布勒哈番朝京師上獎其
績諭輯兵愛民母以功大生驕傲賜鞍馬裘服二十三年擢浙江提督上製聖
訓十六條宣諭士民世凱請令將卒一體講讀並援引經史依類附注爲書三
卷奏進頒行又奏春秋祭文廟宜令武職行禮下九卿議行二十八年復朝京
師命還任以疾未行卒遺內大臣佟國維侍衛馬武奠茶酒賜祭葬謚襄敏子
天培授都司累遷至浙江提督世凱勇敢善戰所向有功軍中呼爲陳鐵頭浙
中諸將佐之芳哉亂者又有李榮王廷梅牟大寅鮑虎蔣懋勸榮字華庵廣甯
人黃巖總兵廷梅順天人武進士自督標中營副將遷平陽總兵大寅湖廣人
鎮海總兵虎字雲樓山西應州人初授南贛鎮標前營游擊榮李成棟有功累
遷浙江嚴州城守副將從之芳禦精忠克壽昌破土寇黃應茂尋代榮爲黃巖
總兵懋勸浙江臨海人溫州總兵謚襄僖

許占魁字文元陝西蒲城人流寓遼東順治初從豫親王多鐸定江南授陝西
陽平關參將六年土寇趙榮貴擁明宗人森溼號秦王衆數萬人犯階州占魁
從間道出碧魚口襲其後先與定西將軍李國翰臨鞏總兵王允久期夾擊大
破之遷山西平陽副將土寇張武挾朱秀唐號魏王掠聞喜占魁與游擊苗成
龍等分道搜剿戰紫家峪擒秀唐等斬級百餘累調直隸紫荆關副將康熙九
年擢延綏總兵駐榆林十三年提督王輔臣副將朱龍俱叛應吳三桂占魁舉
首龍所與逆書上嘉之下部議敍加都督同知延綏標兵多應調征四川龍等
窺榆林防守單弱屢糾衆來犯占魁遣副將張國彥孫維統游擊謝鴻儒錢應
龍等分道堵勦自督兵擊賊綏德賊踞城以拒發礮斃賊數百占魁慮賊襲榆
林率維統等還守榆林令國彥守波羅堡龍誘波羅管千總劉尚勇等叛逼國
彥劫奪敕印國彥闔門自焚死叛將孫崇雅戕神木道楊三知知縣孫世譽守
備張光斗等遂踞神木勢張甚占魁遣子登隆詣闕告急詔授登隆鴻臚寺少
卿趣將軍畢力克圖都統覺和托白大同移師赴援占魁遣維統應龍等從覺

和托擊賊擒斬無算復魚河響水波羅諸堡進克神木畢力克圖復綏德延安擒崇雅尙勇等悉誅之國彥三知等並賜卹從征將弁敕議敍占魁疏言王輔臣嗾朱龍竊踞定邊遂陷綏德米脂葭州神木賊騎至歸德堡北距榆林僅二十里臣集閭城官民誓死守城嗣因臨洮鞏昌延安慶陽平涼漢中興安固原相率從逆榆林一城獨存餽道隔絕百姓日食糠秕臣斥貲購米計口授食及大兵既至道臣高光祉籌措糧需將士奮勇擊賊剋期奏凱危城得安皆由文武同心兵民合力其在城各官勞績祈敕部覈議爲固守孤城者勸上愈之俱命優敍占魁進左都督予世職拜他喇布勒哈番尋以疾乞罷溫旨慰留十六年擢鑾儀使占魁復以病辭允馳驛回籍仍食俸卒贈太子少保賜祭葬視一品謚恪敏子登隆官至雲南臨安知府

論曰順治初漢兵降猶分隸漢軍其後撫定諸行省設提鎮置督汛於是有綠營以綠營當大敵建錢定之績自三藩之役始蔡毓榮趙良棟將綠營直下雲南諸行省以戰伐顯者如國祚輩皆彬彬有名氏而治都芳述功尤著貞治屯

聖舊起効績不煩饑餌益更有難能者腹心爪牙由此其選矣